

分宜縣志卷二三

寓賢志

一椽風雨足蔽三徑松菊猶存古人嘗有結宇林泉  
 挾躋勝之具扞買山之錢者邑鈐岡南北若鷄足袁  
 嶺間芳躅到今猶傳昔馬岌之銘曰丹崖百丈青壁  
 萬尋竒木蒼鬱蔚若鄧林其人如玉維國之琛請移  
 贈斯卜居者志寓賢

後漢

雷義字仲公鄱陽人初為郡功曹擢舉善人不伐其功  
 嘗濟人死罪却其金後舉孝廉拜尚書郎為人引罪



分宜縣志 卷二十三  
順帝詔除刑義歸舉孝廉讓於陳重刺史不從義遂  
徉狂出走鄉里爲之語曰膠漆自謂堅不如雷與陳  
三府同時俱辟二人皆不仕同隱居鷄足山卒遂合  
葬今其地名陳雷里 後漢叅人物志

按後漢書雷義本傳稱義後爲守灌謁者旋拜監  
察御史除南頓令卒官而陳重本傳亦稱重與義  
俱拜尙書郎義黜退重亦以事免復舉人才除細  
陽令拜監察御史據此似二人無隱鷄足山卒同  
葬事人物志與後漢書不合不知其何所本也今  
通志府縣志皆仍其說仍列諸流寓書所疑以待

考

袁閔汝南人東漢時豫章太守陳蕃薦閔可登三事安  
車蒲輪徵之不就及黨禍作閔築土室隱居七峯之  
麓遂名其山爲袁嶺嶺在分宜西北十五里下有隱  
居故宅遺址 叅嘉靖府志及通志

唐

羅隱字昭諫新登人本名橫十上不中第遂更名從事

湖南歷淮潤皆無合曾寓居宜春東境之儒林鄉隸今

分宜縣北二十讀書其間有藏書洞車書路洗硯池

五里之文苑里遺跡至今猶號羅隱讀書臺隱好觀形勝遍遊邑北

各村落到處皆留鈐語轉相傳說僉呼爲羅隱秀才  
後爲著作佐郎歷給事中少聰穎作詩文多以譏刺  
爲主有甲乙詩集年七十七終

參全唐詩錄及府縣志

按紀事云隱初隱池之梅根浦自號江東生昭宗  
聞其名欲以甲科處之大臣奏隱雖有才然多輕  
易明皇聖德猶橫遭乎譏謗其事遂寢北夢瑣言  
云隱類不得意頗怨望爲貴遊子弟所排擊則壯  
時落拓不羈可知其偶寓讀書於此或是從事湖  
南無合時而土諺流傳亦其有才而多輕易之一  
端也今臺名猶存其地已成榛莽

宋

朱子謚文公乾道間訪張栻於潭州取道東歸時值隆  
冬歷萍鄉過袁州經分宜同林澤之范伯崇賦詩紀  
行稱袁州道中多竒峯秀水怪石清泉並石乳洪洞  
之勝以不及往遊爲惜及泊分宜江亭遂絕江尋攬  
諸勝作詩以紀詩詳藝文

參朱子文集

元

虞集字伯生崇仁人父汲宋丞相允文四世孫也由蜀  
郡僑寓臨川以集從吳草廬澄遊遂占籍崇仁歷官  
至奎章閣侍講學士集學有本原爲詩古文粹然成

一家言歐陽原功稱其文優裕爲一代大著作手詩與楊仲宏范梈揭傒斯齊名恒自許爲漢庭老吏後至元丁丑集因事過袁州經分宜徇諸生趙良請爲陳辰翁德星父子捐修明倫堂作記舉李觀張棡子朱子之記袁學者爲分宜勗旨美而詞文又舟過邑境之福勝寺與寺僧一初倡和七律詩有爐烟遶座寒留宿缺月窺簷夜誦詩之句一初又答集五律亦曰偶携天上月來繫寺前船其所至文采風流可想卒謚文靖 叅道園學古錄

按朱子及虞文靖偶然經過留題非久僑居者比而江山文物勝跡增重特詮次立傳以示宗仰

明

楊子將泰和人少師楊文貞士奇之父也元至正甲辰鄉邦寇亂舉家徙避於邑之十七都鳳凰山下數歲士奇生居無何子將歿母夫人陳氏始携士奇歸泰和時爲洪武元年遺址尙存 前志

張嗣光宜興人元末以父啓元任分宜教諭甫三月卒嗣光以九歲遺孤託聖陂姚氏以自存因贅婚焉遂占籍分邑四世孫崇宏治四年選貢任壽州牧 前志

接啟元爲分宜教諭名列秩官其子嗣光少孤流

落乃真僑寓也故稍因舊志而更定之

分宜縣志卷二四

列女志

唐書列傳女子之行於親也孝婦也節母也義而慈  
止矣然鏡想分鸞心作瑤池之冰雪琴悲別鶴節標  
苦席之松筠雖不在一操而茲爲稱首邑素號敦龐  
門內多嫻女誠范蔚宗之贊曰端操有蹤幽閑有容  
區明風烈昭我管彤志列女

元

陳九淵妻袁氏元季兵亂邑萬戶王同者聞袁美殺其  
夫欲取之婦曰夫爲我死我何以生遂自刎

明一統志

明

歐陽嵩未婚妻孫氏洪武間嵩當戍遼陽父議他適卽自縊且曰及吾夫未去使知吾無異志也

通志

黃固真未婚妻彭氏淑貞以誠女固真年九歲因叔子澄死難株連被戮時淑貞纔十歲通大義誓不再適終節母家紡績置義田八十四畝以遺母族歿年六十有三

袁烈女名懿貞父子良爲大常卿黃子澄姊婿靖難禍作子良就拘子彥鼎彥輝彥溫並在緝中良姪彥英泣請彥溫出逃以延宗祀時懿貞亦力勸其兄彥溫如英言自爲男子衣冠待緹卒至與彥爭先代死死之

陳壽妻某氏未成婚壽得癩疾其父托媒辭絕女泣不從竟歸壽壽以惡疾不敢近女事之三年不懈壽念已之疾不可瘳徒以負其婦乃私市砒欲自盡婦知之竊飲其半冀與俱殞壽服之大吐而疾愈婦亦吐出不死夫婦偕老生二子家道日隆人以爲貞烈之

報 豫章書

歐陽鳳妻鄧氏安福僉事鄧秀女年十九歸鳳鳳歿無嗣守節自誓宏治中旌表

通志

生員李慶鍾妻周氏年二十餘夫亡無子父黨欲議他適誓死不移卒邀旌表 通志

生員袁應霍妻趙氏袁應槐妻黃氏趙年二十黃年二十一夫亡俱無子甘貧茹苦六十餘年萬歷中旌表 通志

生員周曉妻魯氏年二十四曉亡撫遺孤守節歷七十餘年萬歷十三年旌表 通志

增生贈御史黃夢龍妻趙氏夢龍早卒趙甘貧守節子希憲成進士歷官少司空趙享年八十同時黃夢麟妻潘氏黃夢豹妻鍾氏悉早寡守志三節同堂希憲

疏請於朝詔旌表 通志

生員李廷璋妻嚴氏年十七歸廷璋二十生子夫亡矢

志撫孤拮据紡績順治壬辰巡按張公嘉旌其門 前志

生員袁士賓妻李氏夫亡上事舅姑下撫孤子孀居五

十餘年壽九十 通志

廩生趙璧妻宋氏年二十四璧亡二孤一遺腹撫育勞

瘁茹苦勵操鄉黨稱焉 通志訛作劉璧從嘉靖志改正

皇清

生員嚴克讓妻袁氏年十六歸讓夫亡子甫六月始老且病氏矢志堅守事姑弗替訓子有成督學蔡旌匾

云貞操茂祉

舊志

歐陽光繡妻劉氏蓉玉母家安福年十八襁未笄兒歸

寧兵卒至蓉玉同母王氏携兒急避後園園有沼騎

排突入揮刀叱咤劉氏與母並嬰兒躍入水死之

舊志

安福志  
並載

嚴雲華妻鍾氏貌寢不爲夫所說結褵後舉一子雲華

客死鍾年僅十九貧且無依有勸以他適者且哭且

拒之撫其孤兒金石之操歷五十餘年如一日

府志

歐陽先妻宋氏先爲明季諸生值鎮兵殘掠鄉邑義不

受辱罵賊死宋年二十八誓以身殉繼念翁年高子

光緝方數齡乃強爲宗祀計日夜嚙指泣血撫循孤

兒訓以大義逮下慈惠而節操嚴凜持門戶稱女丈

夫嘗有僉報之令光緝幾籍農民賴母奔訴得脫其

他內患外侮游加荼蓼中卒銷彌捍禦克保無事守

節四十年卒給諫歐堪善作貞松篇紀其事光緝後

以明經任南城教諭

府志

恩貢嚴一桂繼室賈氏其先金陵人隨父家於燕京一

桂納爲繼室會明季劇寇雲擾所在鋒鏑梗途一桂

孑身南歸與賈以期年約旣逾期都城遂陷其母屢

逼以他適且曰滄桑至此嚴公子存亡安知乎賈以



死拒母命截髮矢不二天屹不能奪迨定鼎後南北道稍通賈易男子服裝走數千里歸里門鄉黨皆詫歎爲奇女子旣歸執婦道維謹服勤安儉嘗親炊糜賑饑助一桂成義舉貞操淑行當代競歌咏其事新城司成魯瑗爲之序子開禧開祐刻藏於家以孫宗喆貴一桂贈如其官賈爲恭人

府志

夏侯槐妻任氏年二十八夫故誓以身殉族鄰密防得免矢志撫孤子煒熹焯俱成立足不踰閩期功外罕見其面諸孫椿昱鼎瑜璧俱賴慈蔭列青衿歿年八十有三

邑庠生康太經妻顏氏年二十四夫歿守節儉約持家頗著能聲

生員嚴一晃妻王氏年二十四一晃歿堅志撫孤以針指佐翁姑養殮知縣霍秉仁旌以柏節鶴齡匾額守節五十八年卒年八十有二

黃之珩妻林氏年二十五夫亡上無翁姑可倚熒熒孑立撫兩歲孤兒紡績爲生脩嘗艱苦督課孤輿慶列邑庠及見其孫抱奇食廩餼後抱奇中康熙丙子鄉舉任洛川令引年歸高安太傅朱文端軾追贈額曰節苦棠甘

陳燦未婚之妻吳氏二英年十八嫁有日矣其夫病亡  
 烈女聞訃搶呼披麻穿孝欲奔喪守志其母強之不  
 令前往女於是夜遂閉戶投繯以殉越日面色如生  
 黃尚遠妻張氏夫亡時氏年二十三孝順翁姑教子邦  
 佑為邑諸生已而邦佑病故氏忍痛茹荼撫養孤孫  
 以延夫祀姑年八十餘多病氏奉湯藥罔懈姑歿喪  
 葬如禮苦節三十四年歿

生員袁一煥妻黃氏年二十六夫故矢志守節撫孤宏  
 志宏學並入縣庠雍正三年督學沈翼機額旌其閭  
 卒年七十七

邑增生彭錫桓妻李氏二十一歲夫亡遺孤源宏甫二  
 歲氏志堅貞孝事翁姑婦兼子職撫孤源宏為各諸  
 生貢入成均雍正二年督學沈翼機旌以節峙松筠  
 匾額

生員袁楫妻李氏大姚知縣松生女幼習禮訓年十六  
 歸袁甫二載夫歿子未週晬李日夜慟不欲生父諭  
 之曰汝父一脉繫汝是賴忍以一死謝責耶乃飲痛  
 強起撫孤讀父書成立孝事繼姑戚黨稱之督學李  
 鍾儔額旌其閭

府志

宋一珊妻彭氏二十五歲夫亡無子矢志守節上奉翁

姑撫姪爲嗣以勤儉起家撥田七畝入祠爲夫永遠辦祭資督學李鍾僑旌以冰節流芳匾額

彭陵妻趙氏夫亡時年二十八矢志撫孤家貧紡績度日上奉孀姑甘旨下撫孤子成立督學李鍾僑以荻穎貽徽旌其閭守節三十四年卒

宋廷瑛妻彭氏年二十四夫亡事姑撫孤孝慈脩著儒學劉斯組贈以片石金心匾額壽八十二卒

表梅妻郭氏于歸三載而寡念病姑無依孤兒莫撫茹

荼含葉勵節不渝者數十年雍正六年詳請入祠

府志

郭文煒妻張氏夫亡誓以身殉姑諭曰八旬老翁九月

孤兒舍汝將安托乎張痛心強自存活數十年終翁

姑養撫兒成立雍正六年詳請入祠

府志

庠生趙三錫妻彭氏年二十餘撫孤守節奉事繼姑三十餘年歿同族趙廷柯妻歐陽氏年二十三歲守節家極貧長子甫四齡夫歿後三月遺腹生次子氏紡績教育二子成立又趙廷槐妻劉氏青年矢志始終不渝

趙廷揚妻傅氏夫亡矢志或強之改節拋二孤自投江死

附生嚴宗堯妻袁氏年十八歸宗堯以孝順稱年二十

二夫亡遺孤秉公方襁褓氏堅志守節家故貧藉十指以奉舅姑訓課秉公爲諸生年七十四卒

庠生張學渠妻李氏年二十五夫歿痛不欲生顧念翁姑年老藐孤生甫七月飲痛矢志俯仰交資府志

張致浩妻袁氏青年夫亡貞一自守孝事舅姑撫其子成立雍正十年

旌表

府志

周桓侯妻蕭氏年二十一夫故無子家計窘甚十指養姑督學姚旌之

增生嚴宗寅繼妻張氏夫歿時氏年二十四自惟身不宜男忍痛矢志撫夫弟次子爲嗣旋復短折茹荼集蓼五十餘年大守薄履青旌以操凜冰霜匾額年八十二卒

生員張世竣妻鍾氏父爲帥府幕挈家遇盜鍾奮身躍入湖中得不死父母奇之擇所適歸竣竣字坤喬故明司寇承詔曾孫有雋才未弱冠卽以詩文名力學攻苦年二十四卒鍾痛甚引錐刺一目目眇誓以死守孝事舅姑撫幼叔有恩世竣遺詩曰二二集集以紀年且懲數奇而易之以偶故名鍾手爲編輯屬夫弟世城丐序於當世知言者梓以行世人以鍾賢名

有禮為不愧女師云雍正十三年

旌表 府志

生員王昭鏞繼室金氏年二十守節撫兩遺孤有恩視  
同已出孝事翁姑生養死葬一準於禮持家甘儉約  
惟隆師肅賓務從豐厚鷺溪為邑南孔道暑月氏出  
貲設茶兼施草履惠周族鄰口不言德雍正五年學  
使李鍾僑贈額曰九母嗣徽乾隆元年

恩准建坊旌表入祀節孝祠子浚邑增生次源歲貢生

孫廷謨邑諸生 府志

貢生李摺繼室謝氏年二十六而寡撫六月兒素衣終

其身篝燈績紵為課讀資雖戚屬罕見其面乾隆二  
年

旌表 府志

黃廷珍妻袁氏十八歸黃又十載而寡遺一子方二齡  
窘不能自存日備針指奉翁姑無缺禮撫孤汝泰有  
成水操四十餘年督學趙大鯨旌其廬 府志

鍾紹傅妻黃氏年二十三夫故矢志撫孤內外整肅督  
學趙知縣楊並以額旌

生員嚴開稔妻李氏生一女夫歿氏年二十一依正室  
黃氏守節其母欲奪其志氏痛哭不食曰主母方為

夫主立後吾何敢有二心黃年老目眊李服侍三十八年始終無懈守節四十六年卒

廩生鍾恒妻黃氏年二十七夫故氏事翁姑如禮教子成立鄉俗多溺女者抱以歸減膳哺之月餘以歸其母餼之粟遇女流好陳說古今果報事守節六十二年卒督學兩旌其門

府志

張世城妻宋氏年二十七矢志服儉習勤諳於大義姆氏鍾先以節著既援例得

旌親族議並舉氏曰從一而終分也門祚不幸一爲甚矣忍多邀異數乎願勿復言居恒肅壺範溫恭慈

惠噴有賢聲課子尚銳入國學年八十卒

鍾琳妻曹氏年十八歸琳三載琳歿氏孝養翁姑撫孤成立金石之操始終勿渝乾隆五年建坊

旌表

府志

習皆啓妻羅氏年二十三子甫週歲失所天一痛幾絕念姑老子幼堅志守節家徒壁立勤十指以資薪水督學何旌其廬曰德懋松操訓子文沐動遵禮法婦道母儀樹範閨門年九十一卒又習廷亮妻鍾氏茹苦矢志操凜水霜

府志

林育侃妻鍾氏年二十歸育侃舉二子育侃物故氏年

二十五苦操撫孤子孤姪守節五十五年卒

李仕盛妻袁氏年二十六夫故遺孤幼弱氏堅志撫之

成立茹藥飲冰始終一節學使金德瑛旌其廬

吳兆行妻鍾氏年二十三歲夫亡氏念姑老子幼堅貞

自矢仰事俯育孝慈兼盡撫孤曰竹成立丁卯督學

金德瑛旌以冰操完貞匾額守節五十二年曰竹死

妻趙氏年二十二矢志撫孤苦節亦如其姑子大仁

為邑諸生

生員楊邦吉妻王氏孝事繼姑克盡婦職夫亡歷四十

年勤紡績以課其子長子師淵貢生仲子師游以選

貢歷任知縣事聞

詔旌之府志

郡庠生嚴開貽妻黃氏年二十四夫故翁姑俱前歿無

他子黃勵節苦守以紡績佐養祖姑撫二孤襁褓中

經涉險難卒以成立冰操懿行翕然稱族黨間鄰嘗

有回祿警戒無驚節婦家火及舍自滅咸以為節孝

所感督學金德瑛追旌其門曰貞節女師府志

生員黃紹中妻林氏于歸八載夫亡誓相從地下其鄰

人勸之曰汝夫無子有母汝死母將何依由是忍死

奉姑撫繼承祧以淑慎慈惠聞於鄉乾隆九年

旌表 府志

廩貢嚴宗朗妻張氏新興知州張聯珂之女夫亡守節撫夫弟宗期之子秉恭為嗣其妾張氏年十九入侍纔五閱月失所天同正室守節相依以為命正室歿後氏歎歷艱辛老而勿懈 府志

生員林鳴鳳妻嚴氏生二子夫歿氏年二十七撫孤成立孝事孀姑姑氏袁年八十餘患疽氏侍病三月疽潰不避腥穢以口吮之濃血至漬其面絕無難色日用粉和膾作羹以進姑疽愈人以為孝感

彭俊昇妻羅氏年二十二夫亡守節撫孤家貧藉針指度日上奉翁姑下撫孤子成立七十二卒

郡庠生李嘗妾王氏年二十五守節撫孤隆師教子捧槐為邑諸生乾隆乙丑督學金德瑛以艱貞壺範額旌其閭

邑庠彭煒妻李氏年二十六夫歿時翁姑並無他子氏堅志撫二歲孤冀其成立居無何孤年十七天折氏痛不欲生顧念承祧無人鬼且餒而泣求姑勸翁納妾劉氏生子壽甫數齡翁姑與劉先歿氏撫育教養十四年又立從姪境以承夫祀年六十一卒

黃泰英妻萬氏年二十夫故飲泣矢守撫夫弟子雲龍



爲嗣事翁姑克盡婦職及析產不以自私聽夫弟管理乾隆十一年知縣周額旌其閭卒年九十歲

彭傳芳妻歐陽氏夫亡時年二十二矢志撫孤教養婚配俱資十指守節五十五年卒

生員李魚龍妻張氏新興知州張聯珂第三女夫亡無子家貧勤紡績撫養二女擇配名門守節三十五年歿

彭時任妻伍氏二十六歲守節紡績營生撫孤教養婚配迄無遺憾年六十九卒

鄒炳榮妻胡氏年二十九夫歿無子家極貧養殮弗能給氏刻勵勤女紅撫姪爲嗣艱辛之狀見者卹然知縣萬方額旌其閭

儒童趙繼顏妻張氏年二十七夫故孤廷榻在襁褓中氏矢志撫育有成家貧力操作務紡織孝事翁姑居喪祭葬如禮性柔順女流有忤閉戶忍受不與校晚年衣食苟完訓其子慕義急公多所捐助年踰九十孫曾林立乾隆十七年建坊

旌表

生員歐陽信妻王氏幼嫻母訓年十七于歸事姑執婦道惟謹八載殞所天哀毀異常擇猶子爲嗣督課甚

嚴娶婦後卽命兒媳總理家事惟閉戶持齋親族罕見其面乾隆十八年

題旌 府志

張倬妻彭氏夫亡時氏年二十六上事老姑下撫孤兒守節四十三年歿

李芳廉妻蕭氏年十九夫亡後二月遺腹生子矢志撫孤孤天撫從子爲嗣邑士公籲督學張旌其閭 府志

歐陽瑩妻周氏十九歲守節家故貧椎髻紡績事老姑曲盡婦道撫孤子帝俞成立貞操三十七年卒

鍾毓沈未婚之妻黃氏春姑邑北廟上人幼讀女箴及列女傳卽解從一而終之義將及笄聞夫病故誓不

欲生浼母達舅姑欲奔喪其母不允因閉戶自縊後合葬以伸其志乾隆二十年巡撫旌以匾額

胡光海妻劉氏年二十五夫亡矢志撫孤茹荼自甘邑令楊旌以德操彌堅匾額

郭維圻妻劉氏年二十一夫故引刀割指自誓孝事翁姑撫孤子光垂爲諸生督學張拜賡旌額曰懷清望

峻

監生胡應魁妻黃氏年二十三夫歿矢志撫遺腹子光典延師課讀爲邑廩生敬事翁姑明達大體督學張

映辰以慈深丸荻旌其閭

生員傅聖寵妻鍾氏年二十七夫故矢志守節撫孤長發有成太守趙師質旌之年六十九卒

歐陽瑞妻彭氏廬陵訓導彭卽達女年十七夫亡無嗣孝事老姑撫數齡夫弟珽生子覺先爲嗣非大故不歸寧非女流不出見守節三十七年歿

監生考授州同職嚴宗潮妻張氏年十五子歸越數年身不宜男勸夫撫養兄子秉宏視如己出已而潮故時氏年二十三矢志守貞恩庇兩世苦節三十二年卒

李捷登妻胡氏年二十六歲夫亡子幼氏苦節安貧晝夜勤紡績教子自華成名已而早逝氏同媳胡氏撫孤孫師夔等卓立癸未督學周煌旌以松筠勁節匾額年九十八而終洵稱貞壽

胡開蘭妻袁氏年二十六夫亡矢志撫三歲孤兒成立茹荼集蓼金石之操歷久不渝年七十二卒

歐陽璨妻彭氏生二子夫故矢志不一家貧姑老躬勤紡績孝養無缺教子慈嚴並著底於有成年六十四卒

鍾掄彥妻楊氏年二十六夫歿矢志撫孤家貧茹苦持

門戶事翁姑竭誠奉養性貞靜言笑不苟族里罕見其面守節二十八年卒

生員林來賓妻鍾氏二十二歲夫歿矢志撫孤子蔚楠

成立守節六十年壽八十一而卒又林深穆妻鍾氏

夫歿氏年二十四歲無子撫姪上茂列郡庠守節四

十二年歿

林忠義妻黃氏十八歲夫亡撫遺腹子洪昌成立守節

五十七年卒又林來芳妻李氏子蔚橋亦遺腹生恩

勤鞠育苦節四十四年卒

嚴思登妻劉氏年二十二夫亡二子甫襁褓矢志守節

奉姑得其歡心茹蘖飲冰教子升順成立升願爲邑

諸生

鍾維魁妻黃氏年二十二夫亡無子氏矢志不二撫姪

爲嗣守節四十一年歿

袁鳴鶯妻丁氏年二十三夫故遺孤思成甫二齡氏勵

志堅操孝事翁姑教子有成卒年八十有一乾隆二

十七年子上舍生思成以氏節請

旌表

監生鍾掄龍妻郭氏夫亡時年二十八矢志守節撫孤

成立歿年五十七

黃志益妻袁氏年二十八夫亡矢志以孝慈著鄉稱苦節

鍾文獻妻林氏年二十四夫亡矢志守貞孝事孀姑姑寢疾氏旦夕侍衣不解帶者五十餘日撫孤嘉鶯慈而兼嚴延師課讀著有成效尤務與人爲善族鄰發婦或苦不能自存氏必加意扶植資之紡績以養其心給之衣米以安其身交相感激而氏迄無德色當文獻就木時僉議卽營宅兆氏泣請暫停日後俾克同穴比氏卒孤上舍嘉鶯合葬之識者咸稱氏了大義云

南雄府經歷嚴宗期妻朱氏高安大傅文端公軾第五女年二十八夫歿於任所氏拮据扶櫬歸里所生一子秉恭前已奉翁命出繼夫兄宗朗氏飲痛安分與嫂氏張同心協力撫孤有成及秉恭生二子以其一承宗期祀氏知書達大體節孝著稱洵無間然乾隆二十二年

旌表

趙至勤妻郭氏年二十二夫故氏矢志不渝撫夫弟子錫齡爲嗣孝事髦姑全節以歿嘉慶二十四年

覃恩以子四川石堤巡檢 馳贈孺人

黃彩登妻鍾氏年十八于歸甫七閱月夫故氏立志守節以十指佐生理又黃秉性妻鍾氏黃企瓊妻鍾氏並以節著

郡庠生張文漣妻黃氏年二十三歲夫亡貞節自誓安貧勵志撫孤有成知縣楊國華旌以節堅似玉匾額生員周魯妻楊氏魯歿氏冰霜自守撫子成立邑令楊旌以栢操松懋匾額

袁嗣菁妻張氏年十九歸嗣菁嫻於內則以柔順著聲居無何嗣菁病故時氏二十八姑老子幼志堅代終仰事則生養死葬脩形拮据爲能成其孝俯育則人

撫出規具徵聖善爲能成其慈終氏之身毫無遺憾監生趙廷來繼妻張氏年二十二于歸甫兩月夫亡矢志守節撫夫兄弟子爲嗣孝事翁姑爲翁姑立特祭於坊後捐祭田又撥田房祠立主享年九十六歲乾隆三十五年建坊

旌表

生員鍾震芳妻尹氏年二十七夫故矢志撫孤以孝順聞於鄉茹荼飲藥守節三十四年卒

嚴秉道妻夏侯氏年二十一夫亡苦乏嗣續氏堅志守節撫夫弟子思安爲嗣上事老姑克盡婦職督學曹

文植旌額曰翠栢凌霜

生員趙至清妻嚴氏長壽知縣嚴宗璧之女性柔靜嫻于內則能善承翁姑歡年二十四守節撫夫弟至淳子爲嗣冰霜自勵茹苦完貞以歿

胡攀華妻周氏年二十一矢志撫姪學明以承夫祀艱阻備嘗堅志不渝守節四十五年卒嘉慶三年 賜贈九品孀人

袁成龍妻歐陽氏年十九夫故矢志堅守竭力奉姑苦節二十四年卒

監生嚴宗堡妻黃氏夫歿勵節持門戶撫一孤秉壺秉

瑜成立風操凜肅尤明達大義濟困急難乾隆二十七年建坊

旌表

張文友妻袁氏年十八夫亡無子矢志守節夫同懷弟錫爵亦早折妻林氏年二十二歲撫遺腹子培槐妯娌同心苦節上奉八旬祖母黃氏及孀姑黃氏養生送死婦供子職乾隆四十年培槐補邑諸生以氏節聞於督學蔣元益旌額曰茹蘗丸熊人稱一門雙節黃博奇妻胡氏年二十一夫亡無子柏舟自矢爲夫立後又博奇堂弟慶奇妻鍾氏年二十夫故含荼茹蘗

撫襁褓孤有成知縣林邦珖俱旌以匾額

鍾維亨妻彭氏年二十夫亡一子甫週晬氏忍死守節

上事髦姑下撫藐孤備歷艱辛苦節六十三年卒

趙瀚妻周氏年二十九夫亡無子僅一女矢志靡他撫

姪廷詔爲嗣婚嫁所資惟憑十指雖嚴寒溽暑午夜

不少休茹苦含辛以歿

邑庠生萬定琳妻胡氏夫亡氏年二十八遺孤上遵生

甫六月矢志撫孤事翁姑孝養備至茹苦完貞知縣

林邦珖貽之序以紀其節乾隆五十四年建坊

旌表

鍾毓葵妻黃氏年十七歸毓葵甫二載葵卒時氏年十

九矢志靡他終養老姑撫姪存祀茹苦完貞以歿

傅蒂寵妻李氏年二十一守節撫夫兄子爲嗣屢經摧

挫茹苦含辛清操愈勵乾隆四十二年建坊

旌表

張尙鈺妻袁氏年二十九守節撫孤成立已而子夭撫

孫孫復早折僅延一脉茹荼集蓼庇蔭四世洵堪矜

憫享年九十六歲

鍾馥妻羅氏年二十七夫故遺腹生子掄元氏念夫僅

一脉矢志堅守事髦姑無違禮撫孤有成著聲閭里



袁上遴妻夏侯氏年二十五夫亡撫遺腹子成立上事翁姑人不間言

監生黃之鷺妻張氏年二十八夫亡矢志守節上奉舅姑孝敬無違撫孤定選定魁定遴慈而兼嚴延師課讀並爲邑諸生一女春姑未婚殉節有傳

朱定標妻袁氏年二十二夫亡無子守節事姑始終不渝知縣林邦珖旌以節傲松筠匾額

黃鴻譽妻潘氏年十八夫失所天遺孤僅數月忍痛矢志族人以美言諷之去者氏泣對曰吾舅三姑一脉保宗全祀責在未亡人之死靡他願勿以不肖相待

也言者慚而退初繼姑性嚴厲頗難得其歡心氏竭誠孝養旋亦感悟姑臨終與氏訣曰吾患目疾數載得汝殷勤伏侍差不爲苦今當永別願汝子孫逢吉所以報也及姑歿盡哀成禮居家謹身範尤篤母教子士琦入貲籍銓部孫上相上褒勳蜚英膠序曾元蕃衍丕紹書香嘉慶二十年建坊

旌表

鍾衮妻胡氏年二十歸衮越三年衮卒藐孤生甫六月家窶甚饗殮苦弗給既除喪鄰婦諷以去氏厲詞相拒曰餓死事小失節事大假有二心他日何顏見夫

君於地下耶謀生藉女紅孝養舅姑承歡菽水撫孤  
思勤備至終未嘗稍作姑息態迄用有成年七十有  
三卒知縣林邦珖旌以節傲松筠匾額

習廷亮妻鍾氏篝燈紡績佐夫勤讀舉二子年二十七  
而嫠茹苦矢志操凜冰霜孝事姑嫜健持門戶子孫  
世食其德

監生鍾掄元妻袁氏年二十八守節明達大體撫兩孤  
閑以母儀家素封躬持儉約卹危濟乏了無吝色賢  
惠之聲溢於里鄰

李夢珠妻劉氏夫故時年十八忍死撫遺腹子成立及

見孫曾庶幾貞壽之稱

歐陽席珍妻彭氏夫亡氏年二十四一子甫週醉遺腹  
又舉一子氏刻苦自勵上奉髦姑俯育兩兒備歷艱  
辛迄無遺憾

彭錫廷妻梁氏夫亡家貧如洗紡績度日撫孤備歷艱  
辛終無間然

鍾其黠妻黃氏年二十九夫亡矢志撫孤集蓼茹荼靡  
有後艱

傅得寵妻趙氏年二十四夫故無子矢志守節撫夫兄  
子爲嗣幽閑貞靜恪循內則

宋紹儼妻周氏年十九夫亡無子翁姑年老家貧惟夫弟紹伋尚幼氏堅志守節佐翁姑撫夫弟成立後因以姪爲嗣乾隆五十四年

旌表

黃堯典妻張氏家故貧篝燈佐讀居無何堯典積學賈志歿時氏年二十四矢志克勵孝事老姑撫兩孤恩勤拮据長祖謙藉母教爲邑廩生次亦醇謹克家清操苦節著有成效

林鏡七妻黃氏年二十二夫故無嗣氏飲泣堅守冀全夫祀願誦於力不能具二補冬夜夏日惟女紅是勤食稍給爰撫本支子未幾天亡又別無可繼者獨一房姪相當則已承祧外分氏諗於族衆願以苦積餘貲贖回後已衆憐而許之鏡七因得幸延一綫

李燃六妻易氏子歸纔二年夫故時年僅十九遺孤尚在襁褓氏志全夫祀忍痛守貞恩勤鞠育無何藐孤天氏益百折不回家徒四壁恬然安之清操苦節超出塵表

歐陽頊妻王氏年二十二孀居養親撫子悉資紡績有豪民百計圖娶乘其歸寧要於路至則操刃相向毀容截髮落指投繯令婦女謹防之水漿不入於口者

三日豪知其難奪與之歸孝敬靡間於初撫孤上性成立里鄙稱之

鍾景枚妻黃氏年二十二守志長子兆仁甫離襁褓次子兆禮遺腹五月生氏拮据持門戶孝事舅姑撫孤勤母教並入成均氏節固堅其才亦有足稱者

袁嘉宣妻李氏年十七歸嘉宣閱三載宣卒時家屢空氏志堅確不少移灌園食力以此承堂上之歡垂膝下之庇茹苦完貞允堪嘉憫

生員鄒方虞妻李氏年二十九矢志撫五孤子辛勤教育嚴以濟慈諸子丙夜讀稍倦則指其父書痛切責之長文斐由諸生貢成均餘皆卓立氏性貞靜持家一範於禮躬勤操作爲諸子婦倡生產愈饒督率愈力誠不欲以甘節自鳴庶幾懷清之亞

黃步階妻鍾氏年二十三夫故誓以身殉舅姑婉諭之乃強起閱二月遺腹生子氏念夫祀有主竭力撐持攜兒種植園蔬以資孝養備歷艱辛迄無幾微懊悔識者以爲苦節能貞云

朱曰恭妻張氏夫亡矢志撫孤終身不渝又朱曰敬妻王氏早寡撫姪爲嗣朱秉相妻宋氏年二十夫故紡績撫孤三氏熒熒相依冰操共勵迄今子姓蕃衍書

香蔚然

李公啓妻廖氏矢志撫孤姑悲戚輒携二子相慰獨處  
啣哀飲泣不忍令姑知之晝夜紡績自給非至親罕  
見其面

黃日烱妻鍾氏年十九歸烱閱三載夫亡乏嗣氏忍痛  
矢志撫姪世坦以承夫祧撐持家門備形拮据

張紅文妻章氏年二十七夫故無嗣矢志靡他委曲撫  
弟叔子以承夫祀氏勤儉持門戶事舅姑以孝聞

晏自肇妻李氏年二十四夫故時尚未延嗣續氏已有  
身忍痛自存及遺腹生子氏稍慰謂夫祀續矣已而

藐孤殤幾欲從夫地下顧念翁老善病仰事需人且  
夫終不可以無後強顏承歡爰畢子婦之職更撫親  
姪承祧其明達大體有如此

李定龍妻張氏年二十三守節家貧子幼以織紉佐生  
事髦姑力敦孝養安貞之性老而彌純

林上潮妻袁氏年二十二夫故泣血飲恨誓以身殉家  
人防之密志不得卽遂閱數月寢食佯如常時防稍  
弛氏輒引決死節烈之槩金石不渝

鍾際會妻周氏年十八歸鍾生一子甫六閱月際會病  
故時氏年纔二十矢志撫孤事舅姑惟謹俯仰所資

紡績佐之貞操苦節殆無間然

增生袁爲莊妻黃氏夫亡時年二十四矢志撫孤明達大體尤能惠周姻黨

附貢生彭柱台妻嚴氏開州知州嚴宗嘉之女年二十八其夫遊於外戚長壽官署卒氏聞訃痛不欲生轉念繼姑年老二子俱幼忍死守節婦兼子職撫孤光華光昭克成其志

夏侯瑛之妻郭氏年二十夫亡遺孤在抱氏堅志守節含藥飲冰家徒壁立紡績營生撫孤華延師教讀成恩貢生氏年七十餘而卒

邑庠生鍾毓蕙妻嚴氏年二十夫亡矢志撫孤事繼姑孝養無間

鍾繼旦妻林氏年十九夫亡無子以節自矢爲夫立嗣教之成立

李雲翔妻宋氏夫亡時年二十五立志撫孤孝事翁姑鄰婦以年少家貧諷使改適氏痛哭於夫靈前引刀剔面永矢靡他族鄰避之

嚴秉遜妻趙氏夫亡勵志撫孤家極貧極力撐持居無何孤歿氏拮据扶植幼孫以延夫脈

林良揮妻宋氏年二十七夫故誓守克孝撫孤之旭之

星有陶母遺規之旭凜母教列名成均之星早卒遺孤並賴氏劬勞恩庇兩世

生員馬士昌妻周氏夫亡時氏二十二歲子方襁褓柏舟自矢茹蘖飲冰教誨孤子不事姑息事八旬髦姑孝養備至姑病侍湯藥晝夜罔懈且焚香籲天願以身代姑訖無恙鄉黨稱之

邑附生嚴秉球妻郭氏年二十六歲夫亡子幼家貧如洗矢志守節勤紡績資翁姑養諸弟叔後先異處氏獨力持門戶撫孤子思錫成立克家以孝慈聞

黃文耀妻黎氏年二十三夫亡無子撫姪爲嗣紡績佐

生茹荼自甘又黃學淮妻袁氏年二十六守節撫孤有成

孫世遂妻張氏年十六適世遂越六年夫故遺腹生子兆祥撫孤守節家貧艱翁姑甘旨恒力樵炊爨奉事惟謹備歷艱辛貞心不渝

監生袁震龍妻嚴氏年二十七夫故矢志撫孤慈而兼嚴有古和熊畫荻風子定相定彬並藉母教後先噪鬢序迄無喜色蓋幽閒貞靜由於性成云

羅紹文妻嚴氏弋陽訓導嚴宗寬之女嫻於母教修其婦職年二十八夫故矢志撫孤備形拮据冰霜之操

窮且益堅

李自寬妻汪氏年二十三夫故時尚乏嗣而氏已有身  
飲痛矢志閏三月遺腹子生氏拮据撫育比長竭力  
完配媳歐陽氏十餘年不宜男已而孤中道逝其媳  
亦舉遺腹子氏念兩世一脉姑媳相依既愛憐之且  
維持之洵稱苦節

張珍妻彭氏年二十一夫故無嗣撫姪爲嗣敬事舅姑  
節孝可稱

李自洪妻段氏年二十二夫故茹荼撫孤孤天有諷以  
他適者正色拒之終身不渝

歐陽勝妻嚴氏二十九歲夫故遺腹生子任艱辛備嘗  
撫孤有成註名銓部

黃廷謨妻昌氏守節撫孤敬事翁姑克供婦職鄉稱其  
孝

監生嚴開稽妻何氏矢志撫孤諸凡務持大義凜若冰  
霜

黃其星妻林氏茹蘗撫孤藉紡績以佐翁姑甘旨節孝  
著聲

歐陽祺妻吳氏年二十三守節明達大體撫兩孤有成  
張文瀾妻傅氏年二十一夫亡矢志從一孝敬孀姑生



養死葬以禮撫孤宗林中殤無孫媳嚴氏進士秉璉  
女年二十守節承夫遺命事姑得歡心撫堂弟子爲  
嗣教讀婚配迄有成效人稱一門雙節嘉慶八年同  
旌表建坊

嚴秉璿妻徐氏浙江秀水翰林徐天麒女年十八失所  
天一子未週齡先夫而殤氏忍痛以柏舟自矢性敏  
慧善吟咏夫亡絕口不吟所存諸什概火之翁愚齋  
廉大守也子三各授田僅四畝及卒江寧任所歸櫬  
無策伯仲田俱無存氏盡鬻其私殯葬盡禮無難色  
自是以女紅作生涯撫夫兄子思廉爲嗣安成部郎  
管學宜譔有傳嘉慶三年

旌表建坊

林有度妾彭氏年十九度納爲側室氏年二十八夫主  
歿矢志守節撫孤大俊爲郡庠生事正室嚴氏數十  
年極其愛敬

黃福中妾劉氏年十九福中納爲側室及夫主歿氏依  
正室袁堅守撫孤廷燕爲歲貢生正室見其耐苦貞  
操親愛之如一體

袁一盛妻盧氏年二十八夫故矢志撫孤家窶甚無以  
餬口氏躬採樵拾野蔬爲營生計二子賴氏劬勞用

克成人允稱苦節

劉芝蘭妻柳氏年十八夫亡欲以身殉顧念姑老子幼竭力撐持奉養承歡教子家柱遊泮已而家柱夭折氏備歷艱辛勁節不渝

鍾掄宰妻袁氏年二十九守節撫孤明大義有九荻遺風

鍾希元妻習氏年二十四夫故遺腹生子矢志撫之成立姑年屆七旬多病氏先意承歡奉事甘旨始終無怠族里皆稱其孝

朱仕鳳妻陳氏年二十八夫亡誓守撫孤之惜成立娶媳黃氏亦早寡遺孤正瀧姑媳相依扶植之迄成其志

盧大和妻嚴氏年二十五夫故誓不他適撫孤持門戶艱阻脩嘗著有成效

庠生袁興嶽妻鍾氏年二十八夫故安貧撫孤代終一切

歐陽上志妻嚴氏上志遠遊不歸氏年二十三遺腹產一女勵志守節人言靡聞事舅姑侍養惟謹外姪進士思濬作詩以哀其志病革時屬以猶子爲後且曰吾夫未知存亡而二親弗及終事是遺恨也人以爲

節孝兼至云

生員黃汝董妻嚴氏邑廩生思藻女素嫻內則無乖賓敬二十九歲夫故柏舟矢志於翁姑養葬事纖毫無虧撫姪承祧慈嚴有方三十餘年冰操凜然督學贈額貞節可風

諸生楊曰烜妻彭氏年二十八夫歿舅姑繼終三子亦早亡家業蕭條獨與季子方器妻劉氏依十指爲生族人咸嘉歎之

諸生楊曰燾妻李氏年十六歸燾燾與伯兄曰烜事母

張氏孝李亦循循惟謹張氏歿燾哀毀相繼逝家貧

無後李痛絕數次有定南訓導嚴秉裁母燾姑也憐而贈之金資其紡績衣食稍給會曰烜妻又喪遺子體元李愛如己出且勉其一心從父學遂爲邑名宿無忝父業

郭坊春妻易氏年二十六坊春卒夔樛事舅姑以孝聞年七十有八而終

諸生歐陽上達妻彭氏彭以達能承祖業博學工文早歲卒雖無擔石誓爲節義婦擇猶子子之澣漬泔洗惟朝惟夕先世遺稿慎守勿失迨彭歿散燬畧盡

歐陽璠妻劉氏年二十八璠卒遺一子愈叨冀有所立

既而叨又亡新婦陳氏未三十而寡終事姑劉無一  
詭詐語閨門雙節里黨欽之

張興祖妻嚴氏歸張四載舉一女與祖患癆瘵性烈如  
火事少拂輒怒叱嚴婉言承順背夫卽仰天誓以身  
代興祖歿嚴痛極成疾困床褥者六年時呻吟如對  
夫語曰不許我徇汝何故後愈毀容截髮獨處一室  
撫弱女笄而嫁擇夫從弟恢祖子以承夫後茹苦飲  
冰四十餘年族戚咸嘉歎云

監生李尚進妻趙氏年二十八夫亡矢志守貞終始不  
渝雖家徒四壁能撫育三雛俾至成人壽甫五旬而  
歿冰霜之操人猶欽嘆

蔡秉琇妻彭氏年二十二夫故矢志守節事翁姑克盡  
婦職茹荼二十九載冰操愈勵知縣董奎贈額芳徽  
足式

袁世俊妻鄧氏年二十九夫亡誓不再適奉翁姑以孝  
撫弱孤以恩日勤紡績節堅似玉

邑附生嚴秉璋妻裘氏新建上舍裘曰棟女幼知書明  
大義十九歸璋次年舉一子思淫越二載而齎冰蘖  
自矢事姑梁宜人生沒盡禮嚴於課子少長親授之  
書嘗泣誠曰若耽嬉戲不事讀書汝父有不瞑之目

矣。注亦確守母訓，以後秀補國子生，孫升選國學。恭  
邑諸生名噪黌序，曾元林立。年八十而終。乾隆五十  
一年。

旌表建坊進士林有席爲之記

雲南路南知州嚴秉琢，繼妻胡氏，雲南富民。歲貢胡俊  
女，琢任州牧，以辦九龍江軍務染瘴告病回里。旣以  
疾卒，氏年二十一，堅貞自矢。三十六年，凜若冰雪，督  
學汪廷珍以茹荼矢柏表之。

生員夏侯瑜妻吳氏，年十七，子歸塞淵，淑慎相夫成名。  
甫二十，夫以力學過瘁而逝，遺孤一。氏柏舟自矢，代  
終夫事，敬事翁姑，生歿盡禮，撫孤藻教，讀成立。入大  
學嘉慶元年。

旌表建坊現年七十五歲

監生李一鳴妻厲氏，年二十八，夫亡，子尚謨，媳張氏三十  
歲，夫亦亡，姑媳勉承夫志，飲冰茹荼，撫養四孫，婚  
配，教讀厲年八十二，督學吳烜旌以松筠表潔，張亦  
年五十。

晏有彰妻袁氏，年二十五，夫故，矢志守節，孝奉翁姑，人  
無間言，撫孤經國，經綸並入縣庠，督學曹振鏞額以  
節峙松筠，現年七十有一。

晏有章妻袁氏年二十一夫亡無子痛不欲生父諭曰自古節婦不難於死難於守汝須勉爲其難者氏遂強起剪髮納諸棺以誓夫兄有綸以幼子繼其嗣督學吳烜旌以勁節凌霜

李自煥妻朱氏年二十七夫沒勵志守節紡績維勤撫姪成立爲之婚配孀居數十年內外謹肅言笑不苟人以爲有水霜之操云

李師琳妻彭氏年十九歸琳琳素患腳氣時發時愈氏侍奉湯藥未嘗少懈及病劇衣不解帶者數十日常焚香告天願以身代未幾夫終欲相從地下人勸之

曰有姑在堂有女在膝奈何以一死塞責于是矢志守節孝於姑嫜撫姪兆祐爲嗣教以義方卒補弟子員壽七十刑部主政彭貫一以節孝壽母贈其廬

吳曰庠妻宋氏年十六歸吳甫兩閱月夫以勤讀病癆亡氏矢志守節孝養弗衰撫伯兄次子體寅爲嗣克俾成立迄今子孫蕃昌四世一堂嘉慶十一年

旌表建坊

監生嚴秉瑜繼妻劉氏年二十四而發一子甫週齡貞操自凜事孀姑黃氏極盡婦職性厚重勤儉持家撫孤與齡成立督學汪廷珍旌其廬年七十有一四世

一堂

嚴思鄂妻李氏年二十七夫故貞靜自守做衣藿食勁節不渝撫夫弟子爲嗣年九十而壽終

鍾明哲妻夏侯氏年二十五守貞撫二孤教讀婚配備歷艱辛督學李鈞簡旌以柏節松操其長子承鰲妻李氏十六歲于歸甫二載鰲亡無子氏念老姑需養宗祧待續忍痛矢志以女紅餘貲爲夫弟完配育子因撫爲嗣督學汪廷珍錫額貞孝維風

袁際德妻吳氏年二十三而寡矢志撫孤操凜冰霜適翁姑停喪山椒遇野燒幾及氏呼天搶地誓與俱亡火遂滅人以爲至孝所感云嘉慶十二年

旌表建坊

生員鄒綬妻夏氏年二十七夫亡時子二女一翁姑深竊憂之氏矢志堅守孝養唯謹鞠育婚嫁代完夫事鄉閭共稱其賢

李自再妻羅氏年十九夫歿家極貧以紡績度生活堅貞自矢撫子成立孀居三十七載人無間言

李洪藝妻劉氏年十九夫亡飲冰茹荼金石自矢撫遺腹子邦本成立已而早逝同媳周氏相與紡績操作兩世孀居人無異議今孫曾繞膝訓教有方邑令龔

以柏節雙清贈其門

嚴思郁妻楊氏逢塘

欽賜翰林檢討楊梁材女年二十餘夫亡自矢饑寒不易  
享年七十有三

嚴思續妻趙氏年二十八失所天一子猶在襁褓凜冰  
雪操事翁及繼姑得歡心家無儲粟紡績惟勤性嚴  
正言動必以禮法勵孤升朝成立列郡庠生孫男一

嘉慶二十二年

旌表

諸生楊果材妻伍氏棲霞令安福進士環孫女年十五

歸果材果材少負文名學使林枝春稱爲鈴山翹錯  
四試棘闈不遇卒伍孝事孀姑存歿盡禮隆師課孤  
子曰炬及孫堪立堪言堪平俱善讀書曰炬堪言入  
邑庠人謂其能以婦代子以慈兼嚴壽七十有五而  
終嘉慶五年

旌表祠節孝

郭宗林妻康氏年二十一生子纔七月夫亡敝衣藿食  
撫孤成立里黨哀之年六十五而卒孫五

借補浙江湯溪縣鹽廳張申祐妾吳氏年十九祐納爲  
側室恭敬柔順善事正室傅氏夫歿於任所越數月



正室又歿氏年二十九拮据執喪扶柩歸梓葬祭盡禮均無遺憾撫兩孤慈而兼嚴延師教讀長曰槐邑廩生次日楨國學生並藉母教克成父志代終之力不負所天云

嚴思流妻張氏年二十七而寡矢志撫孤家無擔石以針黹佐生日夜弗輟過勞瘁雙目俱瞽族人憐之督學李鈞簡旌以柏舟風勵年七十

嚴思滋妻彭氏年十七歸滋力學善屬文積稿成帙從叔進士秉璉亟嘉賞以科名不遂遭疾弗起時氏于歸六載僅舉一子誓相從地下姑勸諭忍痛自矢

將夫所作文稿珍藏之對之輒悲號不已年二十九遭疾卒里鄙哀之子成立孫三

生員李一元妻鍾氏年二十六作未亡人上事翁姑孝養弗衰及沒遺命課子向學氏涕泣聽受隆禮延師歷久不懈尤能濟危卹急健持門戶子謙向榮孫長齡並入膠庠督學吳烜旌以畫荻流芳

鄒世俊妻袁氏年二十夫亡無子撫弱女自依誓不再適家窶甚唯勤十指佐翁姑甘旨及沒喪葬稱禮婦兼子職年七十待族定繼

李兆璽妻周氏年二十八夫亡家徒壁立以十指謀養

殮撫藐孤甫三齡旋天舅家欲奪其志氏厲色拒之事繼母歐陽氏以孝聞撫姪之子克成爲孫以續其後年近七旬洵稱苦節

周尚璆妻張氏年二十八喪夫柏舟盟心誓不二天與嫂同爨數十載從無諍語教子課姪鄉鄰推重

晏宗智妻林氏淑慎温恭年二十四夫故飲泣守貞居近市日勤紡績言不出閫外姑老病滫瀡湯藥侍奉維謹子自泰媳嚴氏亦二十四歲而寡姑媳勉承夫志撫孤成立一門雙節人咸欽之

歐陽恩妻彭氏家窶甚篝燈佐讀夜績盈筐年二十而

寡遺一子又卒於外伶仃孤苦殆四十餘年

歐陽上拱妻彭氏年二十有四夫患瘵性烈如火彭侍弗離側歡笑慰藉背夫時涕洟甘以身代卒不起撫一姪爲後三十餘年恩養殷勤邑令龔笙書懷清履潔表之

楊日熲妻黃氏年二十八日熲力學卒黃奉孀姑貧艱無怨辭三十餘年孝思如舊

楊日鰲妻段氏年十九日鰲卽世遭時多舛叔母吳宜人百計成其操乃歸依母氏勤紡績貲少積會其兄造一橋費千金不足段盡出所有以成之寒窶如故

夫家本單貧翁老且病泣血具甘旨喪祭無缺卽柩前撫一姪爲後俾有室家其夫兄襄陽太守曰鯤欲爲請

旌會疾終未果

林之星妻李氏年二十四而寡矢志守節撫弱子學瑯成名慈而兼嚴有陶母風南城學博趙文蔚贈以柏操古稀

李洪祚妻周氏年二十二生子甫百日遂失所天氏銜哀毀容痛不欲生念孤兒無依勉承夫志孝事孀姑旣而總持家計撫藐孤以有成卽弱姪四人亦賴翼而長之延師課讀始終不懈迄今一門昌盛邦變景翰景芳俱蜚聲黌序皆氏之力也歿年六十有七周尚驄妻邊氏年二十遂寡呼天搶地誓死靡他閱二月舉遺腹子乃安貧守志撫孤成立教養婚配艱辛備嘗邑令龔以勁節風高表之

歐陽右軍妻劉氏歸右軍數載有子三右軍卒時翁姑早逝內外無倚氏日子幼夫亡吾何樂有生然吾不生孤不立遂拮据摒擋鞠三子皆成立皆爲之娶年九十七而終

歐陽覲侯妻萬氏適覲侯生一子而夫遂歿誓相從地

下姑泣謂曰激烈如新婦吾勸汝生不若速汝死以成名也然余髮如此種種將奚恃且若子幼又奚依婦忽悟不更言死自是婦姑孀居杜門不出初婦始來歸見姑痛失所天撫孤御窮乃善體姑意晨夕操作後遭破鏡勤劬猶昔姑年九十七而終婦年七十九而終壽考康吉人以爲節孝所致云孫怡歲貢生趙錫蘋妻鄒氏年十八于歸未兩週歲悲別鶴冰蘖自矢家窶甚紡績佐生漏下機聲猶軋軋不休事翁姑執婦道惟謹族人賢之

鍾志學妻潘氏宜邑舉人潘大京女歸鍾六載而寡遺孤在抱守冰雪操事翁撫孤人無間然

彭源濬妻伍氏年二十九而寡以孤藐忍痛自守今年逾花甲冰霜凜然

孔應顯妻趙氏邑庠趙至清孫女年二十七應顯卒青年守節對諸女眷無笑容事翁姑以孝聞撫孤成立歿年四十九

顏如丹妻彭氏年二十三如丹卒撫兄子起鳳爲後起鳳讀書喜交遊施與彭悉從其志無難色逮事九十餘歲姑以孝聞偕兄嫂四十餘丁同爨獨以勞著

袁煜蕘妻夏侯氏年二十七夫亡嚴氣正性矢志封髮

撫仲兄子如琪爲嗣飲食教誨無異已出復明三從之義悉以家事付子乾隆壬子壽週甲學博某旌以勁節凌雲享年六十有九

袁自秀妻鄒氏始于歸自秀試輒冠軍氏篝燈佐讀期夫成名無何夫遽亡遺孤子三女一氏以養身綜理內外備極艱虞媳夏氏爲三子煜蕙配年二十六所天不永姑媳熒熒對影堪憐氏上奉孀姑下撫孤兒婦職母道兩無遺憾

晏自增妻黃氏年二十夫亡柏舟矢志冰霜勵操享年五十六歲苦節三十六載

鍾文茂妻萬氏年二十七守貞孝事翁姑慈育孤兒現年七十七歲

晏學芳妻黃氏年二十九夫亡時翁姑未葬氏矢志代終夫事撫遺腹子成立督學吳烜賜額彤管傳芳

監生鍾士松妻鄒氏方靜好時夫嗜古籀篆之學投轄留賓氏主中饋酒饌必豐未幾夫亡遺二女自依旣長擇壻遣嫁教誡備至撫胞姪成禮爲嗣和丸課讀人咸謂識大體現年六十一邑侯龔贈額堅操永著彭錫駿妻袁氏年二十六夫故矢志撫孤年七十有三貞操堪嘉

陳上清妻鍾氏十八歸陳篝燈佐讀夜績盈筐數年舉一女而夫亡以翁姑老不遽死家徒壁立紡績營生備形拮据人咸憫之現年逾七十

周學澄妻謝氏二十四而鏡破鸞分氏茹茶飲水奉孀姑至九十餘齡撫孤稍長而殤氏志存夫祀又繼姪廷相之子承祧親見孫復生孫享年七十有四邑侯黃步堂以松柏長春旌之

胡學春妻劉氏二十一歲喪偶志盟金石久而彌堅享年八十有四

孫信芳妻胡氏年二十九歲夫歿勵志自守潔如冰霜年五十有七

歐陽上晴妻阮氏年十六歸晴落日添薪伴晴硯北不累以生計晴旣喪劬艱鞠二子一子夭一子商於外阮獨處四十餘年冰霜之志以苦而成

諸生歐陽璵妻李氏年二十九守貞撫弟子上矐爲後毀容瘁面寂處一室三四十年中笑不露齒邑令楊國華聞而賢之表以額曰節老松筠

歐陽沈妻李氏及笄嫁七載夫亡李披髮抱女跪姑前姑勉慰之乃起治喪事奉姑惟謹年四十有八疾作嘆曰吾不能再侍吾姑矣遂卒族人以姪繼其祀

李藩陞妻嚴氏二十三夫故翁姑垂老子方週齡氏以婦盡子職母兼父道潔滄澹嚴課讀卒年六十府憲鄭給以苦節可貞匾額學師梅贈以傳子錫珍孫鳴鳳俱邑庠

增生傅念祖繼妻胡氏二十八夫亡姑老子幼夫弟分居氏紡績以奉高堂沒葬以禮並安厝先靈繼翁姑未竟之志課子慈而兼嚴時患瘟疫氏仰天默禱人物無恙督學汪旌以額卒年六十三長子家瑞列郡庠

李汝常妻張氏二十七夫故矢志靡他藉針黹奉翁姑撫孤成立勁節不渝

彭利彪妻嚴氏二十五作未亡人氏忍痛事舅姑遺子貞文恩勤撫育及長娶媳黃氏未幾而貞文又亡黃年二十三貧而無子姑媳相依爲命人稱一門雙節云

李攀元妻甘氏三旬亡夫姑老子幼氏矢志靡他家雖貧紡績佐生卒能得姑氏歡課其子以承夫志涂學師贈以傳載入家乘晚年見子孫林立壽踰七旬人以爲苦節之報云

李錫琦妻郭氏二十八喪夫子二長纔四齡次遺腹也

氏勤勞鞠育事翁姑以禮奉繼姑以孝目覩蘭芽秀  
萬年七十八而卒

郭拔龍妻劉氏二十四矢柏舟節撫藐孤甘苦備嘗年  
八十四歲孫曾林立四世一堂

吳維萼妻米氏二十七夫故立志撫孤年五十有二邑  
侯龔笙旌以節凜冰霜匾額

歐陽意妻阮氏編修燦輝再從姑意家貧棄儒而商適  
有富商客貴州挈意去遂卒於黔氏矢柏舟節垂五  
十載子一

歐陽上棟妻劉氏年二十二歲棟卒劉每侍姑食姑思

子切笑慰曰新婦在卽子在矣歿年八十五姪後之  
諸生張宗洙妻歐陽氏相生以繁絲勤勞三上生葶藶  
早枯蕙蘭乏嗣氏獨居三十餘年寒如孤燕日携所  
繼兒啣哀夫位聞者傷之

歐陽逢妻劉氏年二十六孀居撫孤成立今六十一歲  
子二邑令龔笙以巾幗芳徽表之

劉學趨妻袁氏年二十八喪夫安貧勵節心如金石畫  
荻教子有歐母遺風年六十有二

朱洪信妻劉氏年二十八夫終時家業蕭條甘心守志  
險阻備嘗百折不回已而勤儉自持家道遂裕延師



課讀頗有義方子二長鼎福授州同職次雲邑附生  
李邦瑄妻郭氏年二十七夫亡冰潔自勵永矢弗二事  
翁姑克盡孝道族鄰重之

夏侯存梁妻謝氏年二十五夫故立志守貞誓不再適  
養姑撫幼備盡拮据

鄒炳隆妻袁氏年二十九夫故遺孤甫數月家貧自守  
歷三十年節操不易邑進士鍾師唐閏而賢之贈以  
一片冰心匾額

郡增生彭源崑妻袁氏年二十七源崑卒翁老甘旨不  
缺子稍長育童媳甫合奄尋破塌力經營爲之再娶  
一生劬勞年七十七以壽終

張兆棠妻夏侯氏年二十六夫亡冰霜矢志和丸教子  
若孫現年七十有四子有年監生孫維哲邑庠生  
黃際耆妻李氏年二十八夫故矢志靡他孝事翁姑慈  
撫孤兒現年六十七歲邑侯黃步堂獎以額曰勵節  
延齡子青錢成立孫亦頭角崢嶸

張煜曙妻薛氏喻邑人幼嫻姆教端莊淑慎年十七歸  
張闕三稔夫以讀書過痺病卒氏慟失所天誓不欲  
生時祖姑與舅姑再三慰止以此孀居孝事兩世適  
祖姑與姑沒盡哀盡禮翁邑庠生青藍達於吏治壯

時家居日少氏勤紡績拮据撐持同居夫叔優附生  
青萬及青紫先後受室皆賴區畫翁年老時病罹風  
癱氏日進湯藥婦兼子道卒得延齡五載而終併遵  
翁遺命撫夫姪以延夫脉族人憫其節于嘉慶十八  
年爲之請

旌表建坊現年六十七歲胡公長齡作節孝七古一章  
贈之

袁定楷妻胡氏年二十七而嫠家貧無助翁姑恐不能  
久留氏矢志靡他孝敬弗衰竭力維持歷盡艱辛卒  
至家饒子立年六十有二

李如春妻唐氏年二十八守節肅恭端慎著有賢聲課  
子大定爲邑諸生督學曹文植旌以完貞匾額

李如璉妻傅氏年二十五夫亡勤於女紅養姑撫幼年  
六十有三

胡定魁妻李氏年二十四夫亡立志撫孤竭盡劬勞冰  
霜之操始終不渝年七十有三

黃仲禮妻鍾氏年二十四守節家寒無以自給勤女紅  
以謀朝夕志堅冰霜至老不渝卒年八十有一

晏希肇妻袁氏年二十八夫亡撫孤守貞茹荼飲冰備  
嘗艱辛享年七十八歲

林鏃八妻袁氏年二十九夫亡遺孤甫三齡氏撫育成  
立事翁姑力盡婦職雖家業蕭條備極艱辛終始不  
渝現年六十猶勤紡績不自逸

夏侯嵩妻李氏年二十五守節上奉翁姑下撫孤子備  
極艱苦壽七秩督學潘芝軒旌以松壽柏操現年八  
十一歲

習祖鄉妻鍾氏年十九夫亡泣血誓不再適撫夫兄子  
家鳳爲嗣貧苦勤十指健持門戶并延師課孫世德  
爲諸生禮法悉遵女訓白首完操

宋儒偉妻張氏于歸有日矣儒偉患失血重症商媒緩  
頰氏父請改期氏聞哭語父曰兒身已有所托倘改  
期而病有不測豈尚有他計耶父義之遂如期以歸  
不半月而偉竟歿氏以婦終子職藉針黹以奉舅姑  
生死盡禮撫夫兄子毓靈承祧貞操歷久不渝嘉慶  
二十一年

### 旌表建坊

鍾方璽妻嚴氏年二十七夫亡矢志不二茹苦食貧孝  
養翁姑撫姪掄振爲嗣延師督課列郡庠有古和丸  
畫荻風

鍾瑞妻宗氏年二十七守節家極貧唯憑十指供堂上

甘旨下撫孤兒慈而兼嚴寡居三十年冰操凜然

監生張文沈妻趙氏武庠趙文焯女素諳大義年十五歸沈閨六載沈遭疾弗起囑以兩世單傳野厝四柩未瘞忍死承命日夜泣慮責重難竟積貲卒買善地代終其事撫孤內慈外嚴延師課讀無間性復慈惠而儉族鄰有求必應自安淡素未嘗以子貴稍侈靡長宗睿署廣東廉州府經歷靈山欽州各巡檢次遺腹宗鯤國學生嘉慶二十三年

旌表建坊

夏侯蘭妻李氏年十八于歸二十一夫故姑老叔幼遺

孤甫月餘家遭凌夷人共危之氏飲冰矢志獨力撐支上奉老姑并護夫弟及孤兒卓立不愧巾幗儀型

夏鈞一妻李氏年二十六夫亡撫孤守貞歷四十九年堅操不渝

黃文德妻鍾氏年二十三而寡哀毀骨立幾不欲生氏念姑年老夫祀宜續強起矢志勤紡績以供甘旨擇繼嗣以承宗祧治家井井有條姑嘗語人曰得婦健持門戶乃勝壯子當室孤苦之况聞者咸爲歎歎邑侯龔旌以柏節冰心

袁曰明妻劉氏年二十六夫故勵志撫孤松筠柏節歷

久彌堅

袁元萼妻潘氏夫亡時年二十六翁姑在堂旨甘無缺  
禮撫二孤教養有法孤曾環立蜚聲庠序閭里旣稱  
婦德並仰母儀知縣龔笙旌以心矢冰霜匾額

湯大勲妻袁氏年二十六守貞志堅金石歷久亦篤現  
年七十有三稱苦節

湯廷說妻袁氏年二十六夫故撫孤守節凜若冰霜

盧汝謨妻李氏年二十二殞所天孤方一歲氏鞠育顧  
復克綿夫嗣金石之操歷久弗易

生員鄒綬繼室袁氏年十六歸綬生子二女一三十歲

夫故氏堅貞自守孝事翁姑健持門戶視前室子如  
己出以延師課學爲兢兢次邦達三敬天全歲文武  
入縣庠

湯大江妻嚴氏年二十四而寡茹荼飲冰現年六十有  
七

李璽妻楊氏二十八歲夫逝翁姑並存弱子無怙氏以  
孝慈恭儉苦歷三十七年現踰花甲有五子大定列  
成均邑侯龔笙獎以節著松筠匾額

劉大緯妻李氏年二十守義翁姑老子幼而家貧貧氏  
竭力操持終成夫子志現年六十邑侯龔笙給柏舟

勵志匾額

朱秉榕妻李氏年三十失所天遺一子冕秀尙幼氏以慈而兼嚴俾之安耕鑿業孫枝蕃盛家道日隆現年五十有二邑侯龔笙給以松筠比節匾額

李尙琇妻朱氏年念四守貞撫一子克貢成均皆母課讀力也享年七十有八

蔡之樑妻彭氏年二十八夫故長子四齡次尙未離襁祿氏立志撫養克酬子平之願年八十三而歿孫汝明監生

羅儵妻趙氏係東廂拔貢生原任玉山縣教諭趙至德

女年二十三夫遂亡青年守節白首完貞人無間言嘉慶十七年督學潘給以節茂松筠匾額

李汝玉妻程氏年二十七夫故遺子炳星剛七歲家計蕭條氏晝荻爲字做歐陽母教子風炳星領乾隆甲午鄉薦氏年八十而歿

任洪權妻李氏年二十七洪權卒持漆室之操五十六年子一

李近芝妻季氏年二十九夫歿二子景肇景運先後亡遺孫女子一因爲遣嫁於袁擇賢繼其後壽七十餘而歿

李明秀妻袁氏弟明發妻黃氏皆年二十餘而寡共約矢志事姑弗懈鈐以西並稱雙節子業儒

夏侯元妻嚴氏年二十七元故操井臼菽水奉姑壽九十五卒子若孫親見三世

李芬妻蘇氏年二十八芬卒奉雙親代蘇終子事壽八十餘歲有子二孫二

袁思伯妻黃氏年二十九思伯歿黃悲辛拮据四十餘載課二子若孫端本耕讀循循然有謹厚風

庠生袁廷瓊妻戴氏年二十四歲而孀賢名著里黨子一

夏侯光星妻蕭氏歸光星未及五載而婺暑月寒宵勤女紅藉謀升斗未嘗有渝志子一

康曰誥妻伍氏年十六于歸紡績佐讀相夫二載夫患癆瘵謂氏我死聽爾自便氏執剪毀容誓志不二二十夫死不出門戶惟敬事翁姑姑病氏禱願以身代於後撫姪承祧嘉慶二十四年

旌表建坊

庠生任天榮妻李氏年二十八生病卒李且晚定省翁姑夜績勵子躍龍入邑庠

袁兆早妻林氏年二十八夫故撫孤秉節歷久彌堅現

壽六旬人無遺議

袁尙恕妻林氏二十九歲而寡上事翁姑得其歡心下撫孤兒迄於成立年五十有六

袁尙忠妻林氏年二十七夫亡逮事二世孝養兼盡撫育藐孤教訓有方至老不倦

李上廸妻袁氏二十七守節家貧無子日夜勤勞冰霜之操歷久不渝年七十六而終

陳卽遴妻袁氏年二十六夫故氏悲痛捨地誓不欲生旋以舅姑待養藐孤待撫強自存活艱苦備嘗守節三十一年現年五十六歲

朱涵元妻張氏年三十喪夫茹藥飲冰霜操自勵撫三子迄用有成現年六十有五

嚴升猷妻林氏年二十三歲夫故子甫三齡悲痛幾絕翁姑再三勸慰強自存活竭力奉養及翁姑相繼棄世喪葬合禮課子尤嚴稍涉嬉戲卽痛爲懲戒今其子爲先名列成均孫五長曰榮食餼膠庠次日喆應童試屢拔前茅餘俱幼嘉慶二十四年

旌表建坊

吳有周妻宋氏年十八夫亡一子榮星未幾夭折三從旣絕孤操彌貞事翁姑生死盡禮現年五十九歲邑



侯龔笙給以節表永貞匾額

晏有經妻潘氏年二十九夫故飲泣幾廢寢食承翁姑諭強起撫孤成立處約自如守節三十二年清操永貞

李觀辰妻任氏年二十七夫亡撫孤守節期延夫祀艱貞之操鄉閭無間言未幾子媳俱亡倚三孫爲命旣而孫皆繼逝僅遺弱齡曾孫熒熒孤苦終窶如洗現壽八十有七依胞姪庠生聞忠以終餘年

陳汜六母嚴氏年二十八夫故氏撫其子堅守砥節三十二年松筠比操鄰里咸推

宋天賀妻鍾氏年二十七夫亡撫孤守節日勤縫針佐生孤旋天立房姪爲嗣艱苦備嘗貞操不移

敖夢魁妻唐氏孝事翁姑先意承志年二十六夫亡無子之死靡他翁以長男夢麒三子學珍嗣其後氏撫愛維殷克臻成立節孝之稱人無間言

嚴思湑妻張氏邑增生炳文長女年二十八夫故立志守節貧苦自甘閭範端莊鄉里共欽享壽七十四歲劉煥祖妻李氏二十一歲夫亡誓不再適撫孤已授室育子未幾子媳俱卒遺三歲兒天杏氏保抱鞠養不辭勞瘁繼天杏沒其妻唐氏承祖姑志撫姪蔚文爲

嗣飲藜茹茶禮法自守自十八至七十五守貞五十七年學博梅照壁額曰苦節承先并題以跋

黃上遇妻張氏年十九夫亡時未育子女翁姑年邁氏念宗祔血食爲重稟命捐租十五碩爲支祠祀田並勸老翁納婢爲側室連舉二子未幾翁姑旋逝遺二叔長甫三歲幼纔一歲氏竭蹶撐持俾至卓立苦節純孝爲世罕觀

表召祿妻楊氏年二十七夫亡繼一子教養婚娶力勤甚翁姑未歿時倚楊而安

楊曰鯨妻鄒氏安福文莊先生耳孫女夫早亡無子以姪福豫爲後中嘉慶丙子鄉試年弱冠卒於京師鄒聞訃痛絕旣甦語其媳甘氏曰吾夫讀書賞志終今嗣子又中隕命也然節以苦見汝其勉之有姪孫生甫周月因撫以承繼辨明起持家事機聲軋軋漏下猶弗輟嘉慶二十四年

旌表

袁自樞妻鍾氏守夫喪三十四年冷幃紡績足不渝閭外撫孤有成族鄰咸欽其操

鍾師信妻袁氏年二十三師信疾革以遺孤託鍾孤長爲娶婦潘氏生男鍾竊喜旣而子亡孫亦亡獨與潘

塊然孑立哭聲達門外行道爲之酸鼻

楊堪遇妻彭氏年二十遇以名場不遂抑鬱病弗起遺

一子彭課之嚴滄澹奉阿翁必精必潔道光二年

題旌

諸生鍾成祖妻范氏年二十六夫亡撫姪承祧勤儉是

勉傳子若孫克永其世

宋天錫妻敖氏年二十二天錫亡敖孀居三十餘年瑤

池冰雪堪以比操子一

張發萃妻任氏年十八夫亡無子家極貧痛翁姑甘旨

無資茹茶飲冰藉紡績以供膳後翁老抱痠病輾轉

牀褥彌年氏侍湯藥經歲不倦撫姪爲嗣克俾成立

嘉慶十九年督學王鼎獎以志凜冰霜額道光元年

旌表建坊

歐陽改行妻劉氏年二十歸改行衣食弗給晝夜勤機

杼易升斗博改行歡無怨言改行卒劉遂殉夫死

黃際元妻袁氏年念八作孤孀無子遵翁姑命撫夫弟

之子爲鏡承祧業已抱孫年七十一而歿

彭雲翔妻張氏年二十一遭破鏡之傷二老俱衰藐孤

在抱氏以紡績資供甘旨隆課讀四德具脩從一而

終學師王欽梅照壁獎以冰霜其操

監生傅定元繼室余氏二十一遽殞所天鶴有羽而不  
還蚌懷珠而難死忍痛奉姑每事必請垂老收將雛  
效子錫昇貢成均

彭惠忠妻張氏年二十八夫亡無嗣氏勵共姜節孝順  
勤謹終始如一

嚴秉璘妻傅氏年十七于歸十九作未亡人遺一女呱  
呱猶在抱也爲夫弟授室生二女一男夫婦相繼逝  
撫姪思鄴承雙祧教讀有成娶媳施旣抱孫矣無何  
思鄴卒孫亦旋夭大小之宗誰嗣若敖之鬼餒而姑  
媳飲泣志節彌堅撐持數十年又撫堂姪孫升繡爲  
後一綫幸延心血殆盡傅以七十五而終施亦七十  
一而終督學顧德慶旌其廬

江蘇常州府海防同知張世棟妾許氏年二十一纔抱  
衾綯旋分釵鏡氏持齋奉佛足跡不出閨門苦歷五  
十餘年凡屬族黨咸欽其貞風亮節云

傅國相妻李氏年二十九夫故貞靜自矢事繼姑以孝  
訓諸嗣以嚴冠婚喪祭動遵禮制次子師芹鄉飲賓  
孫曾林立壽七十四而終

何肇巖妻袁氏年十九于歸甫七載夫短折翁姑皓首  
子方齡齡氏咻噢之稍長就傅嚴課讀旣而名噪文

塲又以讀書過瘁卒氏携二十五齡弱媳形影相弔  
玉潔冰清數十年如一日今袁年七十有二媳年五  
十孫亦能負薪矣

黃定元妻盧氏年二十二而寡遺孤纔二齡堂上椿萱  
髮種種氏仰事俯畜無間子玉音娶袁氏年二十八  
而夫亦亡兩世孀守俱踰古稀聞者莫不墮淚焉

鍾音杰妻劉氏邑庠鼎長女始于歸家貧窶夫欲廢舉  
業氏泣勸之嚮粧奩勤紡績玉成其志無何夫所天  
撫孤名基成立能孝養慰姑舉二子嗣又寡痛遭家  
多難幾自盡遵姑命撫兩孤紹詩書刻苦完操督學

吳烜旌以一門雙節

嚴升昂妻鍾氏年十七歸昂越三年而分鸞鏡翁姑憫  
其孤單命撫姪爲嗣視如已出奉高堂以終老迄今  
孫枝蕃衍冰雪之操歷三十年

嚴爲楨妻張氏年二十夫以名塲念切抑鬱身亡遺女  
一如影隨形氏堅貞自矢凜若冰霜巾幗中奉爲模  
範現年五旬

嚴懷清妻鍾氏年十七相夫二十二而絃斷遺腹舉一  
子家無擔石紡績經營淡如也現年五十四歲興歌  
汎彼爲之掩卷三歎云

鄧文瀾妻吳氏年二十四夫歿誓欲相從地下四顧翁姑在堂二子無依爰柏舟自矢奉養承菽水歡延師課讀底於成立次子定元長子之子敷霖俱諸生壽六十一而終

夏侯綿妻萬氏年十七歸綿生一子甫二齡夫故氏冰心自守上奉老姑下奉孤兒未幾孤又亡因撫夫堂弟之子為嗣教讀婚配視如已出道光二年旌表建坊現年五十五歲

彭紹觀妻何氏年二十四夫故遺一女氏珍如掌珠孤節自守孝事翁姑紡績自守至老不渝現年六十四

歲

趙文杰妻傅氏涇江傅公暢女年十四于歸二十八文杰故止一女有遺腹閏六月生子至洪家故貧有富室謀娶囑其父以貧富利害極諭之矢志不移針黹度日事翁姑生養死葬盡禮撫子女教讀婚嫁能為夫翼子貽孫年八十三太僕寺卿李宗瀚贈以匾曰柏操椿齡

李成樞妻袁氏年二十二矢志守節撫姪定求承夫祀督課成名娶媳趙氏生子六日而逝氏以祖母撫幼孫自襁褓而壯艱苦備嘗歷年六十八府憲胡式瑗

旌以柏節芳徽匾式袁臨副將復旌以額曰節茂松筠

監生傅國棠繼娶李氏年二十八喪夫氏操松筠節內外兼持子三師瓚師環師珩瓚元配趙出也氏撫如已子延師課讀有加意克俾成材師環名噪童場俄以讀書過瘁卒師瓚師珩俱入成均氏享年八十八生員夏侯亮妻傅氏年二十七孀居子幼姑六旬氏仰事俯畜生活藉針黹現年五十三歲

傅師清妻曾氏年十九歸傅二十八遽殞所天翁姑喪明孤子無托氏盡婦職全母道年七十三卒

傅長鰲妻黃氏年二十四守志氏事高堂以禮撫孤子慈而兼嚴凜然冰操至六十年里黨欽之

監生袁可紹妻黃氏夫歿時年二十九歲孝敬翁姑生養死葬如禮延師課子迄有成效守節二十五載人無間言

嚴思綸妻張氏歲貢張尙禮之女歸嚴執婦道惟謹年二十九守節言笑不苟事翁姑以孝聞撫孤慈而兼嚴俾列膠庠同堂思雍妻黃氏年二十八而寡茹荼食蓼撫子成立鄉里交推重之

黃尙懋妻曹氏年十八夫亡氏時欲以身殉因遺孤在

抱翁姑再三勸慰忍死守節現年六十二歲  
習世盛妻袁氏年十九夫故操凜冰霜始終不渝立從  
子橋林爲嗣如自己出

劉斯材妻鍾氏年二十四夫亡矢志守節奉堂上甘旨  
能以孝著撫孤慈嚴並至有古和熊畫荻風子飛熊  
名噪豐序孫尙志尙寬並入成均皆氏劬勞之所致  
學憲吳旌以柏節清操匾額

黃元惠妻傅氏年二十六夫歿矢志冰霜奉姑撫子  
毫無遺憾享年六十有六

黃際清妻曹氏黃際興妻鍾氏曹年二十守節鍾年二  
十五守節冰霜共凜皆能得堂上歡心課其子克紹  
箕裘一門雙節里邨稱之

鍾其定妻黃氏年十八歸鍾十九守節奉舅姑克盡孝  
敬撫孤嗣能自成立茹苦完貞洵堪嘉憫現年八十  
有六

林有梁妾表氏年十八而夫主捐館氏時欲以身殉念  
主母在堂穉兒在抱隱忍全生有諷其改適者婉辭  
拒之遵夫主遺命撫孤成立初主母病患羸弱每進  
湯藥不假手于人晚年目生翳障氏日以舌舐之兩  
目復明如初人謂氏孝義所致邑侯龔笙旌以守義



完貞匾額

梁日秀妻吳氏年二十二夫故翁老子幼志堅代終仰事則克盡其孝俯育則能成其慈晚歲四世一堂孫曾繞膝人以爲貞節所致邑侯龔獎以奕葉流芳匾額

黃兆祥妻鍾氏夫亡時年二十有一氏慟哭欲絕以堂上年老膝下孤幼忍死守節無何子復夭折煢煢無依金石之操歷久不渝現年五十八歲

鍾栲十妻黃氏年十九歸鍾二十四守節上奉甘旨下撫孤嗣閭里之西羣仰婦宗

張天琮妻黃氏年二十七守志孝事翁姑克盡婦道撫姪爲嗣如同亡出現年五十有五

黃文錦妻鍾氏年二十六遂寡家無斗筲藉針帶以謀朝夕上奉萱幃甘旨無缺子一甫完娶旋卒更撫旁支孫以繼之艱苦備嘗節孝並著

業儒袁國珍妻宗氏年二十三而寡茹茶飲水撫孤成立教養婚配不辭勞瘁奉翁姑克盡婦道督學王宗誠旌以貞筠挺節匾額

附生黃崇理妻張氏年二十六而嫠志切冰霜誓不二天撫姪爲嗣爲之婚配不數年旋沒家窶甚氏終身

完貞紡績營生艱難困苦歷久不渝

庠生周炳妻劉氏年二十六孀居無嗣勉承夫志撫姪  
爲後教養婚配靡不周至苦節二十八載現年五十  
有二

彭紹書妻傅氏年二十七柏舟誓節自圭無玷奉翁姑  
撫孤兒勤勞弗倦族鄰重之

彭紹福妻李氏年二十六夫亡家無斗筭耐窮撫孤貞  
心苦節鄉黨趨之

何國藩妻傅氏年二十四而寡青年勵節皓首完貞壽  
享八十有三

宋天鐸妻萬氏二十八歲夫逝矢志冰霜舅姑喪明奉  
養無缺撫孤成立代夫有終現壽屆七旬守節四十  
二年

鍾勝妻金氏年二十四夫故家貧子幼守貞勿二年四  
十獲孫祖祥欲以詩書紹承先緒延師課讀果掇芹  
香學師王以瑤池冰雪旌表其節

監生吳曰含妻嚴氏年二十九守節無嗣撫伯兄子爲  
夫後克俾成立事翁姑以孝聞

吳曰席妻趙氏年二十五夫故矢志守節撫孤大經成  
立入成均事繼姑孝養無間里黨稱之

吳曰庾妻傅氏年二十八夫故撫二孤勵志守節事翁姑得堂上歡心安貞之性至老彌篤

生員李來妻鄒氏年二十八夫歿茹蘗全貞和丸勵子長尚勇列邑庠次尙笏出繼明於大體人共嘉之守節四十五年卒

敖仕泰妻袁氏二十六守貞撫孤成家年八十七以壽終

郭垠二妻任氏年二十二而寡以柏舟自矢事衰翁生歿盡禮撫孤志重成立爲之娶甫週載志重亡媳李氏以遺腹生崇禮任復撫之生曾孫三享年八十有

三洵稱苦節

易兆鵬妻萬氏年十九守節撫孤成家年八十一而歿孫二

監生黃世光妻晏氏二十八歲守節性端肅言笑不苟上承翁姑歡下撫夫兄之子爲嗣鄉里咸稱其賢

晏如瑾妻曹氏夫歿年二十四冰霜自矢撫孤成立現年七十九歲

黃星祖妻曹氏年十九生子金鳳歲甫週夫亡憐三世單傳刻苦守貞撫孤成立爲援例入監

張文煜妻楊氏年二十八夫歿柏舟矢志艱瘁脩嘗歷

四十四寒暑堅操如一現年七十有二

黃學海妻熊氏豐城淑媛歸學海食貧操作靡室爲勞年二十五夫故時翁老子幼俯仰無依人皆危之氏盟心堅守代夫健持龜手拮据自啖糠覈辦甘旨以奉堂上翁恃以頤養天年壽近百齡及翁沒憔悴葬祭悉如禮兒早殤撫堂姪鳳儀爲嗣愛養如己出長入邑庠未幾儀又逝偕媳嚴氏孤幃寂居共勵冰操撫二孤成立重整門戶卒年八十孀居五十餘載白璧無瑕補天有力洵屬苦節堪嘉

黃汝邵妻宗氏年二十四夫亡家甚貧守節撫孤備嘗艱辛歷三十年無異志

李元珍妻歐陽氏年二十九夫故遺孤嶽守節撫育延師課讀爲上舍生尋嶽卒妻楊氏同姑勵操冀幼子成立無何中殤兩孀熒熒相對抱痛無依堂姪例職定揚以次子繼其後一門雙節蓋幾歷艱虞云

朱芙妻彭氏幼嫻內則歸宋事姑相夫克盡婦道年二十七夫死孤子永齡甫生六月氏矢志孀守家雖薄勤紡績以佐姑甘旨姑晚年患足疾日夕侍奉不倦生平寡言笑明大體乙酉竒荒鄉鄰有菜色氏鬻己田運穀以濟由是有力之家倣而行之鄉人至今傳

誦督學潘旌以節茂松筠享年八十四歲

張豫吉妻歐陽氏年二十八夫亡一女家奇窘事衰姑  
賴指工針繡孝養弗有缺

吳明亮妻蕭氏年二十二夫歿無子姑年邁藉紡績供  
甘旨及歿典釵營葬冰雪勵操人言無間

陳盛相妻孫氏二十二歲夫故氏堅貞守節遺腹一子  
應達撫養成立及長娶李氏未幾應達又亡李亦僅  
二十二歲祇生一女姑媳孀居熒熒無依含悲忍痛  
撫姪繼嗣以延宗祊孫年六十七歲終李年五十八  
歲終一門雙節里黨欽之

朱觀秀妻孔氏年二十三悲黃鵠水操二十五載二紅  
三弋泊如也子二

趙羽魁妻李氏年二十五所天抱痛雖貧誓不嫁今年  
六十有二子一

張宗松妻袁氏年二十賦柏舟事孀居祖母撫孤兒方  
香金桂之枝遽病玉蘭之草雖陳情表在空望報劉  
而束髮帛存自傷似董享年七十

彭源槐妻湯氏年十九鴛影孤依鳳雛獨哺紡磚繡榻  
克慎以勤子一孫二

生員張宗楫妻蕭氏年二十七守節十指佐生備嘗艱

苦現年六十有九

生員鄧良臣妻李氏年十八于歸二十二喪偶未亡人  
適際青年藐諸孤尚在黃口氏以菽水承歡丸菽課  
讀長子敷章邑廩生次子敷仁年少不祿媳巫氏纔  
二十五歲與姑同病相憐無子撫姪以延小宗一門  
雙節兩世孤孀李現年臻古稀巫亦踰大衍邑侯龔  
笙以

張煜瑤妻高氏年二十夫亡孝養翁姑撫姪承祧貞靜  
自守雖親族罕見其面歷三十五年而歿

郭永渡妻袁氏年二十八卽歌寡鵠子幼家貧甚至枵  
腹氏以女紅營生堅守無異沒年七十有一

傅師環妻朱氏年二十一師環故氏毀容滅性志在存  
孤未幾倚閭望斷冀有陳情之報已罄杵臼之心現  
年六十六歲

趙文孚妻林氏年十九歸趙二十二夫故無嗣茹蘗撫  
姪承祧貧藉紡績自給髦姑喪明性嚴厲頗難承歡  
氏明達大體侍奉無違凡屬羣從男女兄弟多賴撫  
養享年六十有一

李元宰妻趙氏年二十八撫姑守節矢志不二現今正  
週花甲苦歷三十二年

潘秉圭妻彭氏年十九早寡家寒苦守以紡績謀朝夕  
事堂上以孝得其歡心撫穉兒以慈迄用有成卒年  
七十有七

趙文熙妻王氏年二十七夫亡子甫四歲勵志撫養清  
操自守始終如一歿年七十有一

郭發祥妻楊氏年三十堅意銳守矢無二心履冰霜者  
四十四載不以貧窶而改節人皆避之

生員張佩妻黃氏年十七歸佩二十七佩棄世子二俱  
幼矢志撫孤卒至成名惜長冠縣案未售次列縣庠  
早逝咏柏舟者五十餘載年八旬以壽終

趙文睿妻彭氏年二十三夫卽病故矢志撫孤壽踰八  
旬清操可風

吳兆熊妻李氏年十九早寡矢志不二撫孤成立閨閫  
之內穆如清風

宋 妻廖氏年十七歸宋克盡婦道孝事翁姑二十  
三喪偶苦守柴門終身不二勤儉持家爲子完配人  
以巾幗丈夫稱之

李兆祺妻謝氏年二十五夫亡慕共姜矢柏舟操杜門  
不出凡三姑六婆偶至其庭必拒絕之家雖貧孝敬  
翁姑母家每餽滫瀡必先以奉高堂繼一姪尋殤人

咸惜之

彭文紱妻張氏年二十二夫故貞一不渝動脩禮法曲承翁姑歡寡言笑非至戚罕見其面鄰里恒敬憚之無子撫夫三兄之次子誦先爲嗣慈惠不遺義方卒年六十有八

張繩祖妻嚴氏年十八歸張閱數月輒分鸞鏡勵柏舟操家徒壁立依十指爲生寸晷未敢少休奉堂上甘旨無違撫夫弟子爲嗣今年五十有三

廩生袁祖仁妻劉氏幼嫻母訓年十六于歸事翁姑執婦道惟謹二十九殞所天哀毀異常撫孤長成時以勤儉相勗一片冰心今五十七歲如初

張聯崙妻李氏年二十七夫以積學屢試弗售抑鬱而沒以子幼勵志自守操凜冰霜現年五十三歲

張發芳妻袁氏年二十七夫故矢志撫孤年五十有七冰操凜然

黃觀紳妻傅氏年二十七夫所天矢志撫孤及長而孤又亡撫弱孫以延夫脉尤敬事舅姑族人共稱今年五十有二

監生袁可紹妻黃氏年二十九夫故孀居勵孤斯選斯迎成立事舅姑生歿盡禮年五十四歲



彭源標妻袁氏及笄嫁數載夫亡家貧守貞今年五十有五終始如一

黃立文妻鍾氏年二十六而鰥矢柏舟之節始終不渝今年逾五十

監生劉定陞妻謝氏年二十九夫故無嗣止遺一女矢志守節明達大體撫猶子曉初爲後閑以義方弗納於邪持儉守約卹危濟乏族閭德之邑令龔題其廬曰彤管標徽

曾爲柏繼妻段氏年十八歸柏奉翁姑相夫子孝敬無違越數年柏逝哀慟絕粒姑諭之曰弱子在膝孰與爲依氏忍痛矢志終養雙親撫育二孤迄今諸孫林立邑侯龔贈以清風亮節年五十有五

袁起鰲妻劉氏年二十八守節子一甫弱冠肄業西岡書院一日過昌山渡覆舟而殞氏念一脉無傳痛苦不已爰撫姪爲嗣以承夫祀卒年五十有九

張曰綵妻易氏年二十一生孩七日夫卽殞氏矢志柏舟人無間言年五十有四鄉人賢之

李魚淇妻朱氏三十守節撫二子教讀婚配歷盡艱辛迄今孫枝繞膝現年五十九歲

謝思盛妻陳氏二十四而孀子幼姑已喪明氏織紉佐

甘旨資教讀和妯娌祭祀奉牲醴必敬必誠現年五十四歲子錫邦克俾成立

黃節九妻袁氏年十九夫卽棄世立志撫孤清操自矢現年五十歲

夏汝謹妻湯氏年二十五而寡撫幼子二教讀婚配不辭艱瘁現年五十一歲孫枝挺茁含節足娛

黃一造妻吳氏年二十一夫亡以舅姑年老遺孤幼弱忍痛守節服勤習儉始終一節現年五十有九孫枝挺秀

謝廷弼妻歐陽氏年十九而寡柏舟自矢迄今四十七

### 歲守貞完操

宋開緒妻李氏年十七于歸家貧紡績佐讀俾開緒潛心詩書童試屢列前茅二十一夫亡矢志守節翁姑以窮苦難堪托內戚勸氏改志氏聞言忿激剪髮自誓翁姑益重之姑患痢症家人畏氣穢不敢近氏獨力扶月餘不懈病得痊愈現年五十一歲

李培元妻鄧氏舉人炳星之媳年十八挽鹿車二十分鸞鏡其姑勸撫幼叔成立曰俟他日舉子繼汝夫氏含涕日夜紡績以此姑稍安爲叔娶婦生一子自是螟蛉可負冰操彌堅歷三十有六年今五十六歲

彭炳妻劉氏年二十八夫亡時翁姑就衰三子俱幼氏忍痛勵志以養身任諸俯仰事家初貧日勤紡績不計艱辛既而衣食粗足延師課子長與季悉力學能文次堂榮入大學殆不負和熊畫荻之瘁云

彭光魁妻夏侯氏年二十六夫故矢志守貞操凜冰雪迄五十二歲而歿

歐陽濤妻謝氏二十八歲夫故守節無子以夫兄子初升爲後年七十一卒

鍾必報妻潘氏年二十四守貞艱苦備嘗松栢之操歷久彌堅鄉里咸嘉歎之現年七十

監生劉鳳德妻高氏年二十八夫亡五十四歲而歿

鍾冠羣妻黃氏青年守節撫孤成立邑侯龔旌以志矢柏舟匾額

壽母

彭廷議妻鍾氏生子五年四十餘夫病亟囑曰弱子五人惟汝是賴鍾氏克成夫志儉以理家勤以課子有古和熊畫荻風諸子入黌序者四長大秩尤以孝行著順治壬辰巡按張嘉旌其門衍孫二十餘長峻亦食餼鍾氏壽九十三歲玉樹盈階孫枝遶膝晚近希覲

分宜縣志 卷二十四  
黃堤八妻張氏恭儉柔淑年二十八而寡堅志撫孤娶婦袁氏無出爰立從子爲嗣知縣楊宏綱詳請

旌表壽百歲

趙師錫繼妻李氏孝事翁姑勤儉持家生二子長沛次

見顏脩極孝養孫曾林立多列膠庠壽九十九歲

郡廩生傅朝泰妻趙氏家本素封食蔬衣布延師課子

著有成效署知縣江爲龍贈以淑範遐齡匾額享年

九十有三

戴仕祺妻李氏敬奉翁姑佐夫以順爲正門內肅然享

年九十有七

歐陽昇侯妻張氏佐夫食貧躬操井臼垂老猶不務閒

子孫資其庇蔭者三世現年九十五歲

趙廷相繼妻夏氏撫孤子文勲延師督課爲邑廩生文

勲中道將貢謝世又同媳婦撫孤孫至嘉課讀入學

第一名知縣楊宏綱贈九十匾額安貞無疆河南開

歸道昭萍鄧錫禮贈靜正引年匾額壽九十六歲

趙鳴錫妻孫氏持躬淑慎孝養翁姑夫歿後力能代終

課子尤嚴孤士沆凜母教爲大學生孫廷拔廷慧璉

山曾孫若聘文範並列膠庠居恒周濟窮乏口不言

惠享年九十六歲

邑庠生王佐妻夏侯氏勤儉持家積德昌後有相之道子孫繁昌享壽九十有四

劉邦興妻李氏性柔順能得翁姑歡相夫蔭子脩著勤勞享年九十有六

生員李學靖妻陳氏夙凜內則延名師督子孫力學子鵬搏鵬翰孫慶吉慶賚曾孫枝馥俱先後入郡邑庠督學金德瑛旌以金萱晚茂匾額享年九十有七

傅紹偁妻李氏家窮約紡績佐生刻厲之神老至弗懈年躋九袞時青州知府王雲煥贈以鶴白松青匾額年九十有四

庠生李成樑妻林氏素嫻壺儀持家整齊嚴肅門以內未嘗稍形諄語教子定忠爲郡諸生享年九十有四生員黃師昌妻袁氏性端淑事姑以孝聞相夫教子嘖有賢聲享年九十三歲

選貢張懷璞妻謝氏享年百齡工部主事張喬松題以百歲墓碑子文耀邑庠生

生員鍾家惠妻嚴氏質性柔順享年九十有六子定邵列成均孫承勳景星俱邑庠曾孫蕃衍一門鬲盛足徵忠厚之報云

胡永昇妻彭氏夙凜內則勤儉相夫有古敬姜風邑紳

歐陽瑾贈以德媿貞松奕葉蕃昌科名鼎盛衣冠濟濟爲閭里光享年九十有二

胡棟妻張氏徽柔懿恭孝養翁姑和睦妯娌積德昌後子星煥以職員舉飲賓孫曾科名俱詳星煥傳年九秩安成舉人阮復祖撰序以表淑德享壽九十有五楊傑材妻劉氏幽閒貞靜大家七誡嫻之有素相夫佐讀惜未成名尤殷殷於延師課兒長子曰炎郡廩生賚志以沒目覩四世奕葉繁衍享年九十有五

袁鳴學祖母朱氏慈和勤儉閨範克修享壽九十五歲  
馳封承德郎林以滢側室馬氏柔順慈愛生子四次上昇布政司理問職長上朝承胞伯祧生槐槐子八孫十餘曾元林立享年九十有四

譚家相妻袁氏相夫治家延師課後子微中應元並列庠序適中入大學孫大文亦邑庠一堂四世孫曾滿目享年九十四歲

張鴻洲妻劉氏柔順靜貞既壽且康年躋九秩邑侯嵩贈以悅兆期頤壽至九十四而終

鄒宗盛妻袁氏恭儉莊敬老而彌貞邑侯溫獎以萱堂藹瑞享年九十三歲

黃公佐妻胡氏孝敬勤儉隆師課後子四長必暹職員

孫曾繞膝曾孫智周庠生邑紳鍾定邦贈額寶婺長  
輝享年九十有三

歲貢張申堦妻李氏素性柔順久凜女箴鳴機相夫和  
丸教子曰繡爲諸生孫曾林立享年九十有三

歐陽上毓妻黃氏賓敬相偕泚泚刻厲本族進士敬萍  
邑舉人張堦春有詩以紀其實壽八十有六子頽孫  
成俱邑庠生

歲貢張光世妻袁氏幼嫻禮教雅明大義黽勉相夫誦  
讀成名俾無內顧憂旣耄且勤閨中推爲女師享年  
九十二歲

嚴思昌妻林氏夙嫻內則勤儉持家尤喜相夫延師課  
訓後嗣子升堂孫爲任俱庠生一門蕃衍孝友可風  
八秩時學憲汪旌以禮宗介壽享年九十有一

顏之熊妻盧氏節儉持己端肅範家子早逝撫寡媳彭  
氏相與竭力撐持撫育後裔眼見五代孫曾數十隆  
師課讀老且彌篤年九十有一

夏侯燈妻謝氏相夫盡道訓兒成名子五長名金附郡  
庠八秩時學憲潘旌以荻教筠貞表其懿德現年九  
十歲

生員彭逢恩妻鍾氏溫柔淑慎琴瑟克諧篝燈佐讀相

夕宜縣志 卷二四  
夫成名生平秉禮循法族黨奉爲儀型年九十而終  
歐陽淑妻金氏婉嫕性成歸淑眉案相莊懿訓啓後子  
上榮孫進俱邑諸生曾孫林立一堂四世享年九十  
歲

庠生盧飛鴻妻朱氏內助克賢閨儀共式現年八十有  
九康健如常孫曾數十慶溢門庭

袁一祥妻劉氏享年八十有八

袁世發妻甘氏享年八十有八

張兆松妻曹氏素嫻內則教子有見入成均享年八十  
有七

貢生楊師淵妻歐陽氏嫻閨箴明禮義夜火晨雞佐夫  
勤學子二築材增生杏材廩生孫三長曰熊

恩賞九品次曰烜增生曰燾附生曾孫堪泰體元俱庠生  
累葉書香共仰坤德貽休享年八十七歲

歐陽廷珍妻劉氏享年八十有七

生員李從龍母胡氏秉性端莊內助稱賢子五長從龍  
幼世彬俱庠生四世一堂學憲汪給以荻丸風徽享  
年八十六

鍾必遂母林氏享年八十六歲

宋溥妻張氏佐夫治家克昌厥後現年八十有六



張廷標妻袁氏年逾八秩四世一堂學博曾桂贈以婺  
煥天南至八十五而終

劉仕開妻李氏享年八十有五

歐陽惠連母謝氏現年八十五歲

彭柱朝妻任氏年躋八秩學博曾桂贈以閨範鬚眉至  
八十四而終

彭柱檣妻陳氏享年八十有二

趙廷蘭妻袁氏勤襄內治未宜男撫姪爲嗣力爲完娶  
誕孫二含飴自娛同懷弟裕琳遊粵東與謝大史蘭  
生友述其實贈以耄德坤貞現年八十有二

彭興茵妻晏氏溫純幽靜素嫺壺儀相夫持家井井有  
條兒孫林立俱以禮法相束享年八十有一子大勇  
邑庠生

彭源浸妻張氏幼嫻姆教年二十歸彭孝養翁姑和睦  
妯娌紡績針黹歷寒暑率以雞鳴爲度年七十邑侯  
王公士珍贈以徽流內則匾額卒年八十有一子四  
長柱奎道光元年

恩賞登仕郎三柱嵩邑庠生孫曾繞膝四十餘人人以爲  
盛德之報云

歐陽輝妻康氏德茂瓊璜徽流巾幗白髮齊眉子孫羅

列俱肅然凜其懿訓享年八十一

李竣妻吳氏孝慈貞靜四世一堂享年八十一歲孫太  
交邑廩生太來附生

楊榜材妻王氏温厚宜家自奉儉約性好施與族鄰咸  
德之享年八十有四子四曰燁庠生現年八十六日  
燿大學生享年七十七日燿

恩賞九品現年七十六日默業儒四世一堂衣冠濟濟日  
煊妻王氏克嗣徽音亦現年八十有一壽算聯綿洵  
家門慶事

戴福妻鄧氏懿範素昭坤儀足式享年八十六歲

陳應騰妻李氏温恭淑慎夙嫻圖儀四十二歲夫故氏  
儉以持家勤以課子迄今二孤成立孫枝繁昌享年  
八十有二

夏侯境妻任氏孝敬勤儉鴻案相莊雞鳴戒旦數十年  
專延名師課訓後人氏主中饋饌供豐盛毫無倦容  
享年八十有三子二次仁績學未遇孫奎

恩賞九品冠帶岫

恩貢生韶邑庠生曾孫緯郡庠生

郡庠生李之熊妻朱氏巾幗丈夫鍾郝禮法姑謝氏節  
婦也奉事以孝相夫子捐祭田建支祠營宮室井曰

親操裕如享年八十六歲子六芹陞郡增生藻陞蔚  
陞華陞俱監生夔陞藩陞積學早逝孫錫珍庠生錫  
瑚監生曾孫鳴鳳庠生書香五世丁口不下百人咸  
稱盛德所致云

黃仕宏妻高氏篝燈著績畫荻流芳享年九十六歲子  
四長廷珍列仕籍孫八馨桂際光俱諸生扳桂監生  
六十時邑侯鹿給以額曰節壽並高登九十觀察楊  
有涵重以婺輝南極匾贈之

附生張天暉妻黃氏篝燈紡績相夫成名晚年鴻案相  
莊含飴弄孫子孫曾元數十餘人享年九十有一

彭源利妻袁氏素嫻內則勤儉持家享年八十

萬日章妻羅氏選貢上遴祖母黽勉相夫事翁姑孝敬  
無違媳早寡氏溫語慰循兼勗以勵志守貞忍痛撫  
孤其明達大體爲巾幗所僅見享壽九十邑侯林邦  
琬有文以紀其實

敖仕奉妻陳氏淑慎其身柔嘉維則享壽八十三歲林  
宏贈額瑤島春輝

夏侯璋妻吳氏年三十失所天氏勵志守操撫育二孤  
教讀婚配迄用有成七秩時儒學漆雲驥旌以瑞協  
安貞享年八十有三不愧女中丈夫

張文鼇妻蕭氏温恭慎淑夫沒後竭力撐持延師課讀  
子二次發萇邑庠生督學王鼎贈額節茂松筠現年  
八十有二

才女

吳蘭卿南城孝廉晉勳姊

誥贈中憲大夫楊蘇材室襄陽太守進士日鯤母年三十  
一而發家雖落吟咏不輟課子嚴而法其觀菊詩云  
自來未受閒憐惜從此還應好護持訓鯤兒云功名  
但得垂朝野田宅何須及子孫想見其爲人然卒皆  
如所志沒年六十有九大庾相國戴蓮士手楹帖挽

之曰學士文章丈夫氣節嚴君禮法慈母憂勤於蘭  
卿殊無諛辭矣所著有悟雪草堂詩集行世

有傳詳  
藝文

李藝月臨川人直隸總督李紱孫女清平知縣孝洋女  
倉場總督歐陽瑾第三子恪妻性敏慧詩書藝學一  
覽輒通歸恪年餘返清平以媿身遭疾臨終忽雷雨  
院牆外傾有若刀截者見一金甲人手携素軸一閃  
而逝遂卒年二十有四著有碧池全集曾方伯賓谷  
選人江西詩徵刑部尙書熊枚爲之傳

詳藝文

具人武職皆屬前朝舊部

而汝毅卒年二十有四年卒於家全集有八冊

汝毅於臨江府任職時見一全甲人手持海軍一

...

...

...

...

...

